

LELO ECHI

CHISONEKA CHINAZALISHIWA

 Twamenu kaha nakwimana, kachi enu namuya, shimbu etu natunongama mitwe yetu mwomwo lizu lya kulombelela.

² Tata wa Mwilu Wamwaza, etu tuli vakusakwilila ufukuuno hali echi, lisesa likwavo kwiza na kuhana ou upahu, Mujimbu wamwaza wa Yesu Kulishitu. Etu twasakwilila Ove mwomwo Ikiye hanga asala youmwe zau, lelo, na haya myaka. Etu twasakwilila Ove hali ava vathu vaze vakunguluka hano mulwola lwa kututa cha chishika, kaha hanga na kufwila chosena chachinene, kutala, kufwelela chize chumachimwe chakulimanyina kuya nakutuhana kufuma kuli Kalunga. Etu tuneza na latalililo, Mwata, kuli wana. Etu twakusakwilila Ove ha kutangisa, ufuku shimbu makumishilo, ha mbalaka; kusakwilila Ove ha kutangisa hano chingoloshi chamakumishilo, kaha hakutanga lelo, ha mbalaka. Etu tuli nakutala kulutwe jino chuma muka Ove muya nakupwa nayetu ufukuuno.

³ Tata, etu tunatachikiza nge muthu wosena uze napu wakuhasa kutambuka mavoko ove kuhasa kufukununa mapapilo a Mbimbiliya, oloze kuli Umwe kaha Ou nahase kuyoya Echi na kupwa vene kanawa, kaha uze ikiye Yove. Kaha, Tata, etu tuli nakutala hali Ove kulinga chize ufukuuno. Tukisule etu mukala jila. Michima yetu ili yazala nakuwahlilila nge omu tuli nakumona lwola lwapandama omwo etu natuya nakuliwana na Ikiye, meso na meso, Umwe nge etu twazange na kuyoya ha myaka yosena.

⁴ Vanalumuka vavavulu vavahya, Mwata, vanachilingi. Kwivwushisa nge wamunene, fwote mokomoko fifite, kupwa vakujimika mu Lijina Lyove, mu chimene, kufuma mukutanga cha ufuku unahichi. Ove Kalunga, mwane kutwalilaho, etu twalombo, palanga Mbuto yosena yakutongola ya Kalunga yinamono Kumunyika cha Mujimbu wamwaza, kaha yineza mulimba.

⁵ Etu twakulombo Ove kusweka ufukuuno kunyima ya Lizu; tuhane upuputa kuvyuma vya milima, kaha echa tumone Yesu. Echa kuze Kupili ya Kwalumuka kusoloka mukachi ketu, ufukuuno, nge etu tumone vathu kuzachila Yesu kaha. Etu twalombo echi mu Lijina Lyenyi, kaha upahu Wenyi na kwinjikiza cha Mujimbu Wenyi. Amena.

Munahase kupwa kutwama.

⁶ Nguli kaha nakuya nakwalumuna echi chihungo, mokomoko hakusonekela, chindende kusali yikwavo, kachi chili chakwoloka, mangana Ngumone jisali josena jivali jalikungumbuwa. Ngunashinganyeka Nangumbata evi vihungo kuvitwala oku. Chosena chakwoloka, tando yayindende.

⁷ Etu tuli nakumeneka, kufuma mu zuvo yayinene hano ufukuuno, masepa jetu mu Arizona, California, Texas, na kwosena ku United States, kuhichila mujila ya shinga kaha. Echi—echi nachiya nakutona cha lifuchi, kutanga ufukuuno, ha jila ya shinga, shikaho etu twafwelela nge Kalunga mwaya nakukisula.

⁸ Muli nakwivwa, kunyima kuze ku—ku zuvo yayinene kusali yachimoswe? Chosena chakwoloka, vakiko vali nakuya nakutala jino mujila ya shinga, kumona nge nachiya nakuzachiwa kanawa.

⁹ Muthu wosena kuwahlilila ufuku uno? [Chikungulwiло ngwacho, “Amena.”—Muka.] Kuhanjika, echi chili chamwaza! Kusali eyi? [“Amena.”] Amena. Nguli wakuwahlilila kumona nge enu mwatwame kanawa.

¹⁰ Kaha jino hamene naufuku, kachi mazavu ali nakutwalilaho kuvula, vakiko navaya nawa nakupwa has shinga kaha. mukiko chili ufukuuno. Ngwashinganyeka vamwe vavo vali kuze ku mbalaka.

¹¹ Kaha, hamene na chimene, nge kutangisa kacheshi kuhasa kupwa na mbalaka ko, mwomwo va . . . kwatela kupwa kuwahlisa na temo kuwahlisa muliuka mwomwo ya wenga hamene na musana. Kaha vakiko vananungulula echi—echi kuzachissa, muchimene, mbwe na kuliuka lya Ndumbu walunga Ruddell, umwe wetu twapwa hamwe, kaha helu haze na—na mujila hano, 62. Echi vanachivilika? [Ndumbu walunga Neville ngwenyi, “Eyo.”—Muka.] Vanachivilika. Kaha, kachi nachihambakana hano, etu natuya nakunoka na kutuma mukuzata mukwavo kuya kuli Ndumbu walunga Junior Jackson, kuze ku Clarksville. Ou ukiko mulonga etu tuli nacho kuze kuli Ndumbu walunga Ruddell, echi chili hakamwihi hano, kaha etu tunahase . . . kaha etu twashinganyeka enu namuchiwana kupwa chachashi. Kaha jino etu natuya nakuzakamina mujila kana. Kaha hakupwa tupwenga na awa malujimiko ahamene, kaha Ngunatalilila nakukaya nakupwa yikwavo handulendi mokomoko jivali kununga kuli luze lujimiko hamene. Kaha jino hamene naufuku . . .

¹² Ngwatondo kuvilika kalachuma enu namuhajika halutwe lwalola, oloze ufuku umwe mukuzata, mokomoko likumbi limwe, Ngwatondo kuhanjika ha mutwe wachihande: *Hiya Ou Meuchizendeke?* Mwomwo, echi chili na—na mutwe wachihande Ngunashinganyeka etu tuli nakuyoyela mulwola omwo evi kusolojoka, echi chinapunga chihula mbwe nakuhita

muchisemunuino, cha, "Hiya ou Mukweze kana?" Kaha Ngwafwelelele nge Kalunga ali na kukumbulula, Ikiye apwilenga Hiya. Vamwe vambile ngwavo, "upilishitu," vamwe vambile ngwavo, "mwangana," vamwe...Oloze kwatela kupwa...

¹³ Nge kuli kaha chihula, kaha kwatela kupwa kukumbulula kuli chize chihula, echi chinapu chakwoloka. Kaweshi kuhasa kupwa chihula chakuzeneka chatete kupwa kukumbulula.

¹⁴ Jino, etu twafwelela nge Kalunga mwaya nakutuhana kukisula ufukuuno kufuma mu Lizu Lyenyi, shimbu etu natutanga Echi.

¹⁵ Kaha enu mwapwilenga na...Billy angulwekele kulweka enu namupwa vakukunyuka nakupwa na kuzachila hamwe na vathu hano echi chnapunga mujila yakulongejeka, tupokola na vyuma vyosena. Lamenu echi; echi chili vene, chamwaza.

¹⁶ Etu tunatalilila nakumona lwola, pamo kulutwe, omwo pamo etu tunahase kuneha mbalaka hano ku mbongi kaha kuhaka echi helu hano mu ballpark, muze etu tunahse kutwama hatando yayisuku, pamo ha milungu yitatu mokomoko yiwana, kuhizumuka nakutwalilaho. Kaha hano etu vapwile nakutachikiza umwe namukwavo, kaha jino etu tuli nakuhanjika wawawe kaha etu kuyacheka. Oloze Ngunatondo kwiza na kupwa na mushipili wakushupa, lwola lumwe kuze ove naukahasa kutwama shikao etu katwesi kukapwa na kusoka hamwe muufuku mokomoko uvali, oloze kutwama kaha na kunangula, likumbi na ufuku, likumbi na ufuku, nakutwalilaho. Pamo muthuumwe kuya kwimbo na kulya tusumbi, mavele avangombe, kaha kukinduluka mulungu washishileho na kutwalilaho nakuzata. Ngwa—Ngwazanga chize. Shikaho Mwata apwenga na ove.

¹⁷ Jino, shimbu kanda Nguyenga, pamo Chalumingo na chimene mokomoko ufuku wa Chalumingo, mokomoko lwolalumwe, kutanga chimwe, Ngunatachikiza ove uli nakuvandamina kwivwa Mujimbu wa Muchano ha *Kulimbata Na Kulukulula* ou unapu umwe wa ukalu waunene wa likumbi. Kaha Ngunapu kaha wakukunyuka nge Omu ngunemana hano, Ngwafwelela nge kukumbulula chakwoloka chamu Lizu lya Kalunga, kaha Ngwafwelela nge omu mukiko Ngwashikile kwiza cheka.

¹⁸ Kaha Ngwashinganyeka, kutachikiza, nge omu Ngunatachikiza, Ngwatondo kupwa na kutanga chikwavo hano mu Jeffersonville, ha Chalumingo cha Paseka, kaha etu natuya...ha kutanga chakututuka, kaha jino Chalumingo cha Paseka. Shikaho etu natuya nakuvilika echi kulutwe kaha kweseka kupwa nge zuvo yayanene, kachi chahashile, mokomoko kumwe, ha Chalumingo, pamo kwiza cha Sateli na Chalumingo. Pwako nakutuka kaha kukinduluka, mwomwo chili hakamwihi

na llwola... Nguli na kutala, chatete, na kwala Nguli nacho, kaha umwe wami—wami—wami mukanda wami waungeji wamu California. Kaha jino, hazevene hanyima yachize, Ngwatela kuya kuze ku—ku Africa. Shikaho twalilaho kukwata na kulombelela hali etu.

¹⁹ Jino, ufukuumo, Ngwatondo kusanyika kwivwulila chihanda cha Lizu lya Kalunga, wana mu kapetulu 4 wa Mukakujila Luka. Kapetulu 4 na vasi 16, naiya kuputukila, Yesu kuhanjika.

...Eli likumbi lili *Lizu kuzalishiwa mumatwitwi enu.*

²⁰ Jino etu twatondo kufunda, kufuma muli Chize, kukukulula omu kuzata cha Lizu lya Kalunga! Jino, etu tunahase kuchikekesa mu zachiso, oloze nachimbata Chinyingi numba kuchilinga Echi kuzachiwa.

²¹ Etu tunahase kuchikekesa kuwana zachiso ya likina, nge motoka, oloze jino nachimbachiwa chinyingi kulingisa liwilo kuzchiwa na kutambuka.

²² Jino, Yesu akinsulukile ku—ku Nazaleta, kuze ikiye vamunehele. Kushikumuka mu Visoneka hano, etu twawane nge vakiko vahanjikile ngwavo, “Etu twevwile Ove kulinga *munganji mukananga* muze mu Kapelenawu. Jino echa tumone Ove kuvingila muno mulifuchi Lyove.”

²³ Yesu ambile ngwenyi, “Nge—nge kapolofweto apwa wakuzeneka ulemu mulifuchi lyenyi ivene.” Kaha, mukiko vene, omu mukiko ove unatunehela, kaha kuze kuli vathu kutachikiza. Kaha kuze Ikiye ali na—na—na lijina lyalipi, hakuputuka, hali Ikiye kupwa wakusemuka chakuzeneka ise wahamvu. Vakiko vamuvulukile Ikiye kupwa “mwana wamuujila,” nge Maliya apwile vene wakwimita lijimo shimbu kanda ikiye vamumbate, hatoma, kuli Yosefwa. Oloze, chize kachapwilenga ngachizeko, etu tunatachikiza nge kachapwilenga ngachize.

²⁴ Kaha hali echí Chisoneka, changulingishile kuholoka meso ami hali echí, chapwile chumachimwe chize chasolokele kalinwaha mu Phoenix, Arizona. Yapwilenga likumbi lya makumishilo, lya kuzata chize Ngwapwilenga nakuhanjika ha International Convention ya Full Gospel Business Men.

²⁵ Kaha muze mukunguluka mwapwilenga ngeji hamwe nayami, uze apwilenga mbishopu wamu Katolika, uze napu—napu wa “Chaldean rites wa liuka lya Apostolic Catholic; Vavavulu va Rev. John S. Stanley, O.S.D.” Ikiye napu “mukulwane wa ma mbishopu wa metropolitan United States,” mu liuka lya Katolika. Echi chasolokele kupwa kati yeniyi na—na kuhanjika chenyi.

²⁶ Kaha ikiye apwilenga ngeji hamwe na Christian Business Men, kaha Ngunamono ikiye muze, likumbi shimbu kanda lize. Kaha omwo Ngwapwilenga nakuhanjika ha Sateli naufuku, Ngwafwelela chapwilenga, mokomoko

Satali nachimene kuze kulya chachimene, kaha Ngwa... Nge omu Ngwapwile nakuhanjika, ikiye atwalileho kungumutala. Ngwashinganyekela, "Uze lunga punduvene keshi nakwitavilako na vyuma vyosena Ngwahanjikanga." Kaha, munatachikiza, enu munahase—enu munahase kumona ikiye; ikiye nahase kulama mutwe wenyi helu na hamavu, oloze Ngunahono kutachikiza chumamuka chapwilenga nakuzata hali ikiye.

²⁷ Shikaho ha Chalumingo na musana, omwo Ngwapwilenga nakuhanjika, Ngwapwilenga nakuya nakumbata kutanga ha *Misongo ya Kusemuka*, kuze Yesu ambile ngwenyi, nge, "Nge omu pwevo mwakemenena na mwana," ikiye ali nakukemenena hakusema. Kaha shikaho Nanguya nakuhanjika kufuma kuze, nge, *Misongo ya Kusema*, mutwe wachihande, kuhanjika nge kaye kali nakusemuka jino. Chize chamwata chatela kuhita, shikaho chachihya chatela kusemuka; chochimwe nge—nge mbuto yatela kupola, mangana yinene chiyoyelo chachihya.

²⁸ Kaha omu misongo yakusema, misongo yakusema kuveta kaye! Mu Jita Yimwe Yakaye, ikiye apwilenga na kukola chivene, mwomwo vakiko vapwilenga na ulembwa peho, kaha shikaho na vyangocho, chize chapwilenga kwenyeka cha kaye. Kaha mu Jita ya Muchivali ya Kaye, kuveta mukwavo, kukola chikuma; vakiko vapwilenga na jisona yajinene, kaha nawa mitelembe jajinene. Ikiye keshi kuhasa kwimana misongo yikwavo yakusemako. Naeyi mitelembe na vyuma vimwe lele, jita yimwe yikwavo nayikamumbila muchihela, mwomwo ikiye jino wakusokoka. Kaha kuze nakukaya nakupwa kusemuka chachihya. Eyi Mbimbiliya yamba ngwayo nakukapwa ngocho.

²⁹ Mwishi ya Mujimbu ya kapolofweto, Isalele apwilenga na misongo ya kusema, mwomwo ava tupolofweto navakaya nakwiza cheka hanyima ya vakakutanga vyauthu na vakakunangula nakupwa na liuka lyosena chifwanyisa cha muvikungulwilo. Kaha omwo tupolofweto vejile nakusoloka na MWANAMBE MWATA, vakiko kunyikisa mauka, kaha ikiye apwilenga na misongo yakusema. Makumishilo, ikiye apwilenga na misongo yakusema chikuma palanga ikiye anehele Mwana wa Mujimbu wamwaza, lize lyapwilenga Lizu Livene lyapwilenga nyama.

³⁰ Shikaho liuka lili vene mumisongo yakusema ufukuuno, cheka, kupwa kusokoka cha Mwana, Mwana Kalunga kwiza cheka. Vosena vakulinangula vyauthu, jijila jove josena, vikungulwilo vyetu vyosena, yinapolo kufuma muli etu. Shikaho etu tuli mumusongo wakusema, kaha Mujimbu kufuma kuli Kalunga lwolalwosena kumbila liuka mu kulemuwa chakusema, oloze hanyima chindende ikiye ali nakuya nakupwa wakusokoka cha Mwenga. Echi nachiya nakuneha Yesu Kulishitu kuli Mwenga Wenyi.

³¹ Kaha, jino, kushinganyeka ou lunga apwile kuzeneka navakiko chikuma. Omwo Nangukatuka nakuhanjika ou Mujimbu, Ngwalumwine mu Mbimbiliya yami, kuwana halipapilo limwe.

³² Kaha pwevo lyami anguhanyine Mbimbiliya yayihya, mwomwo ya Ngishimasi. Mbimbiliya Yami yamwaka pamo myaka fifiteni myaka yakusemuka, kaha chuma chapwile pamo vihanda vyakupula. Mapapilo, lwola lwose na nayisokoloka, nakupekumukaho. Kaha, oloze Ngunatachikiza kuli kwakuwana kala chisoneka, shikaho Ngweji kutanganga chikuma mu Mbimbiliya. Kaha Ngwambachile yayihya, mwomwo yikwavo yasolokele kupwa yakutanyuka, kuya nayo kuliuka.

³³ Kaha omwo Ngwaputukile kwalumuka muli Mukakujila Yowano, kuze Chisoneka vachiwanyine, Ngwaputukile kutanga kapetulu 16, kaha vasi ize Ngwapwilenga nakutonda kayapwilenga muzeko. Shikaho Ngwashinganyekele, “Chaungeji!” Ngwafukunwine cheka; chochimwe kayapwile muzeko.

³⁴ Kaha Ndumbu walunga Jack Moore, kufuma mu Shreveport, Louisiana, sepa lyami wahamuchima, ikiye natwame haze. Ngwambile ngwami, “Ndumbu walunga Jack, echi kacheshi chikiko kuwana muli Mukakujila Yowano 16?”

Ikiye ngwenyi, “Eyo.”

³⁵ Kaha uze kapilishitu wamu Katolika akatukile muchitwamo, kufuma pamo hali vakutangisa handulendi vatwamine kukamenga; atambukile nakwiza kwakamwihi nayami, na chikuto chenyi yosena kaha na chashi najikulusu, kaha navyangocho, kaha akatukile nakwiza kwakamwihi nayami. Kaha ikiye ambile ngwenyi, “Mwanami walunga, zama. Kalunga ali nakutonda kutambuka.”

Ngwashinganyekele, “Uze mbishopu wa Katolika kungulweka yami ngachize?”

Ikiye ngwenyi, “Tanga echi kufuma mu Mukanda wami.”

³⁶ Kaha Ngwatangile Chisoneka kufuma mu Mukanda wenyi, na kumbata kutanga chami na kuya nakutwalilaho, kunangula mujimbu wami.

³⁷ Hanyima yachize, omwo Ngwahitukilemo, ikiye akatukile shimbu yami Ngwayile, kaha ambile ngwenyi, “Kuli chuma chimwe chatela kusoloka. Hanyima yachize, liuka lyatela kufuma mumajilo muikiko, mokomoko etu twatela kufuma mumajilo ali muliuka.” Shikaho, umwe mokomoko vakwavo.

³⁸ Kaha Ngwapwile mujila yakuya kwimbo, kukinduluka ku Tucson, lize chingoloshi. Vaze vanike vapwile nakulilila chindanda, kaha Ngwemanyine nguvalanjile chindanda ha kwimana chindende. Kaha pwevo lyami ambile ngwenyi, “Bill,

Kanda lyehi ngupwenga wakulizakamina muchiyoyelo chami chosena, kumona ove kwimana kuze nakuchikima kufukununa Mbimbiliya.” Ambile ngwenyi, “Kachakulingisanga ove kupwa wakulizakaminako?”

³⁹ Ngwambile ngwami, “Nduma.” Ngwambile ngwami, “Ngwatachikijile nge chapwilenga muze kumwe. Vakiko kavapwilenga nalipapilo kanako. Chapwile kuhona kulisoneka.”

⁴⁰ Kaha ikiye ambile ngwenyi, “Kushinganyeka, nge Ngwakumbachila ize Mbimbiliya! Ngwasolokanga nge kala liso muze lyapwilenga hali yami.”

⁴¹ Kaha Ngwambile ngwami, “Chamwaza, ove kaweshi kuhasa kuchikafwako. Chize chakuhona kusoneka muze mu Mbimbiliya.” Ngwambile ngwami, “Vakiko kawahahakile lipepako.”

⁴² Chamwaza, Ngwakatukile nakutala hali echi cheka, kupwa wakukupuka nge omu chahashile; oloze kapetulu 16 makumishilo, chihanda, chihanda chakuheta ku seli yichezi kufuma kwishi, ha kapetulu 17 kusali ikwavo, kumana chuma chochimwe. Kaha, hakupwa Mbimbiliya yayihya, avamapapilo avali apwile akulilamata hamwe, kaha Ngwapwanga nakutanga kufuma kapetulu 17 keshi mu vasi 16. “Chamwaza,” Ngwambile ngwami, “chize chosena chakwoloka. Echi chinapu mulonga umwe.”

⁴³ Kaha kupwa kaha hatoma nge omu muli nakungwivwa kala lizu, Lizu lyejile kuli yami, kaha lyambile ngwalyo, “Ikiye engilile mu Nazaleta, kuze Ikiye vamunehele; kaha ayile mujisunangonga, nge muze chapwilenga chisemwa Chenyi. Kaha uze kapilishitu amuhanyine Ikiye Chisoneka chakutanga, kaha Ikiye atangile Isaya 61. Kaha omwo Ikiye atangile chize Chisoneka, Ikiye atwamine; ahanyine kapilishitu cheka ize Mbimbiliya, uze Mukanda, na kutwama. Kaha meso osena a chikungulwilo chapwile hali Ikiye. Kaha Mazu amwaza afumine mukanwa kenyi. Kaha Ikiye ambile ngwenyi, ‘Lelo echi Chisoneka chinazalishiwa.’”

“Eli likumbi eli Chisoneka chinazalishiwa.”

⁴⁴ Omu chapwile chakusungama mu Chisoneka! Kachi enu namuya nakutalisa echi mu Isaya 61:1na 2, kuze kuli Mwata wetu apwile nakutanga kufuma, Isaya 61:1 na 2. Oloze mukachi ka vasi 2 Isaya 61, Ikiye emanyine. Haze yahanjika ngwayo, “Ou Shipilitu wa Yehova ali hali Yami; kunangula mwaka wakutwitavila,” jino Ikiye eamanyine. Mwomwoika? Chihanda chikwavo, kuneha kusopesa, kachapwile ha kwiza Chenyi chateteko, oloze Kwiza Chenyi chamuchivali. Talenu, kachapwile muzeko. Omu Visoneka kanda lyehi viluwangane! Vakiko lwola lwosena vya kukupuka. Yesu emanyine haze Chisoneka chemanyine, mwomwo chize chapwile vene chuma

muka vanachinjikiza mu likumbi Lyenyi, jino, muli chize kwiza chatete. Kwiza cha Muchivali Ikiye mwakaya nakuneha kusopesa hano hamavu; oloze keshi hazeko. Ikiye apwilenga “kunangula ha mwaka wakwitavila.”

⁴⁵ Talisenu uze Meshiya kwimana kukamenga, kulisolola Lyavene na Lizu lya lushiko lwa chisemunuino. Omu chapwa chaungeji, Meshiya kusoloka shimbu kanda liuka! Kaha tala hali awa Mazu amwaza, omwo Ikiye ahanjikile hano, “Kunangula ha mwaka wakutwitavila.”

⁴⁶ “Mwaka wakutwitavila,” nge omu etu vosena twatachikiza, nge vakakutanga Mbimbiliya, vapwilenga “mwaka wakusokoka.” Chize, omwo vosena vandungo na vafunge, mwosena omwo vapwilenga, vavambachile, mukamenga; kaha atelele kuhana mwana, kufweta mukuli; mokomoko mwana wapwevo, [Hatepu hapimbi—Muka.] kaha vakiko vapwilenga muundongo. Chipwe chipwenga vanashimbula ngachilihi muundongo, mokomoko vakiko vatela kutwamamo ngachilihi; omwo mwaka nawiza, wakusokoka, omwo ndolombita nayivuma, kala muthu nahase kuya wakukasunuka kachi ikiye atondele kuya wakukasunuka. [Hatepu hapimbi.] Ove unakasunuka. Ove kaweshi cheka ndungoko.

⁴⁷ Oloze kachi ove unasake kusala lika nakupwa ndungo, jino ove vatela kukutwala ku tembele, kwima kupanda ya tembele, kaha vakiko vambachilenga mumba nakukutuva wina kulitwitwi, kaha jino ove watela kuzachile uze mukulwane wove muundungo makumbi ove osena kuyoya.

⁴⁸ Echi chinapu chitalilo chakukupuka chili na Mujimbu wamwaza wa Yesu Kulishitu! Omwo Navaunangula, lwola lwakutwitavila, kaha lwola lwa Kusokoka; kala muthu, chipwethu ove uhiya, ulombo muka wapwa, chikunglwilo chika ove wapandamako, omu chinapu hahasuku uwakwingila mushili, mokomoko chumamuka chakuhenga; ove unahase kuya wakukasunuka omwo ove mwivwa Mujimbu wa ndolombita kuvwuma. Ove unakasunuka!

⁴⁹ Oloze kachi ove mutualisako nyima hali ou Mujimbu nakukana kwivwa Ou, talisenu, ove navakutuva kulitwitwi, na mumba. Kulumbununa, kuhanjika nge, ove unatumbuka mufunda wamukachi ka likoji na kusopesa, kaha ove kaweshi kevwa cheka Mujimbu wamwazako. Ove kaweshi kukaya kulutwe chekako. Ove watela kupwa ndungo kuzachiso yimwe mulimo, makumbi enu osena, kachi ove mukana kwivwa mwaka wakwitavila.

⁵⁰ Jino, chihanda chikwavo cha echii, nge omu Ngwahanjikanga, kachatondeka kuchikumbululako, mwomwo echii kwiza cha Meshiya, lwola jino, omwo Ikiye mwaya nakuneha kusopesa.

⁵¹ Jino, omu vaze vathu vahonene kumona Ikiye apwilenga Hiya? Nyi ngachilihi vamuji balishile? Nachiya nakupwa ngachilihi, omwo omwo chapwile hatomato chakusoloka kaha kuchisolwesa? Vakiko vahonene kuchimona ngachilihi? Omwo Ikiye...

⁵² Lizu kana! Shinganyeka hali echi, “Lelo echi Chisoneka chinazalishiwa kumeso enu.” Hiya ahanjikile awa mazu? Kalunga Lyavene, Ikiye mukakulumbununa Lizu Lyenyi Lyavene. “Lelo echi Chisoneka chinazalishiwa.” Uze Meshiya, Lyavene, kwimana kumeso a chikungulwilo na kutanga Lizu kufuma mu Mbimbiliya, lyakutwala kuli Lyavene, kaha jino kuhanjika, “Lelo echi Chisoneka chinazalishiwa,” kaha vakiko vahonene kumona Chize.

⁵³ Ukalu kana nauhase kupwa, oloze chasolokele. Echi chasolokele kapapa kakavulu. Nachiya nakusoloka ngachilihi? Mukiko vene, nge omu chalingile mulwola lukwavo, ha kufwelela kulumbununa cha muthu wa Lizu. Mukiko chalingishile. Vaze vakakufwelela kwingila mumakumbi, vavuluka kupwa vakakufwelela, apwile nakumbata kulumbununa cha kapilishitu ahanjikile ika hali Chisoneka. Shikangaho Yesu, keshi nakupandama kuli kala vifulo mokomoko jingalila, Ikiye apwile wakuhanga kufuma mulizavu lyavo.

⁵⁴ Kaha, shikaho, vakiko vahashile kumutachikiza hamwe na ikiye, mwomwo Ikiye apwilenga wakuhandunuka kufuma kuli vakiko. Uze Muthu wa Yesu Kulishitu wapwilenga wakulimanyina chakulingisa kachi naumwe kachi atelele kuzeneka kumona nge apwilenga Mwana Kalunga ko, mwomwo Ikiye apwilenga katachikijilo ka kukupuka cha Chisoneka chize vachisonekele hali Ikiye.

⁵⁵ Mukiko mujila kala Mukakulishitu vamwjivila, omwo chiyoyelo chenyi chamusolwele vyuma vivene vize Mukakulishitu atela kupwa nakulinga.

⁵⁶ Omu Ikiye ahashile kwimana kuze nakuhanjika, “Lelo echi Chisoneka chinazalishiwa kumeso avo!” Omu chapwile chakulimanyina, omu chapwilenga hatomato, oloze vaze vathu kuhona kwivwushisa. Mwomwoika? Chili mwomwo vakiko vambachile kulumbununa cha tupilishitu vachiyulo vaze vapwilengako nakwivulila.

⁵⁷ Kaha mijimbu yamwaka lwola lwosena yeji kuhilukangaho cheka. Kaha Chisoneka chikwechi kulumbunuiso uvali Kuukiko, kaha kusoloka chivali.

⁵⁸ Chakatalilako, nge omu yahanjika Mbimbiliya, nge, “Kuweluka wa Yijipitu Ngunasanyika Mwanami walunga,” kuvuluka Yesu. Kuhaka mufunda haze, kaha enu yenu namuwana, nawa ali nakuvuluka Yakova, Chisoneka chochimwe. Yesu apwilenga Mwanenyi Wamunene. Yakova

apwilenga mwa Nenyi uze Ikiye asanyikile kulovoka mu Yijipitu, uze mu Scofield mwakatalila na mweka mwakatalila vahanjika, mwomwo chize chinapu Chisoneka nge muze vachihanjika. Shikaho chapwilenga na—na kukumbulula chivali; chapwilenga na kukumbulula cha kusanyika cha Yakova, kaha na kusanyika cha Yesu.

⁵⁹ Kaha shikaho mukiko chili nalelo! Chili mwomwo vakiko vapwilenga muchimbalanganyi nge omu tuli nayetu nawa, kaha vathu vali nakuhona kumona Muchano wa Kalunga, mwomwo kuli kulumbununa chachivulu chakutunga kuli vathu ha Lizu lya Kalunga. Kalunga katonda kala muthu kulumbununa Lizu Lyenyiko. Ikiye Apwa Lyavene mukakulumbununa.

⁶⁰ Kalunga ambile ngwenyi, kukuputuka, “Echa kupwenga kumunyika,” kaha kwapwile kumunyika. Chize kachatondekele kulumbununako.

⁶¹ Ikiye ngwenyi, “Mujike mwakaya nakwimita,” kaha ikiye emichile. Echi kachatondekele kala kulumbununako.

⁶² Omwo... Kalunga kulumbununa Chenyi cha Lizu nge Ikiye mwejikiza na kwinjikza Echi kupwa ngocho. Echi chikiko kulumbununa Chenyi, ha kuchilingisa Echi kwiza nakuhita. Aha hakiko hali kulumbununa cha Kalunga, chinapu omwo Ikiye mwalingisa Lizu Lyenyi kwiza nakuhita. Ikiye ali nakulumbununa Echi kuli enu.

⁶³ Nge kachi kakwapwileko kumunyika ko, kaha Ikiye ngwenyi, “Echa kupwenga kumunyika,” kaha kuchapwile, echi kacheshi nakutondeka kalamuthu kulumbununako.

⁶⁴ Oloze etu tuli nakupwa nazachiso yakutunga kulimuthu kulifutula na Likiko, kaha, omwo enu namulinga, enu—enu kupwa Nacho kufuma mumufunda. Echi chinapunga lika mujila kana.

⁶⁵ Oloze Nguli lika nakushinganyeka omu chatela kupwa. Shinganyeka hali echi, uze Meshiya! Mwomwoika vakiko vahonene kumumona Ikiye? Mwomwo, vaze vene vatwamina javo vatelele kumutachikiza Ikiye, chize chatelele kupwa vasi mu Chisoneka, echi chatela kupwa kwivwushisa cha Visoneka, vakiko vamukehesele ou Lunga kaha kwamba ngwavo, “Ikiye napu mwana waujila, ku—ku kuputuka. Etu katwatela kufwelela Echiko.”

⁶⁶ Mwahichile myaka, etu katwafwelela echiko. Etu katwatela kufwila punga yakuhanjika chizeko Ikiye apwilenga Mwana walunga wakusemuka kulimujike.

⁶⁷ Kaha nachiza kwiza nakuhita likumbi limwe, chuma chivene chize etu natumona Yehova ali nakulinga lelo, malunga muvisemunuino vili nakwiza, kachi kuliko, navakaya nkufwila chuma chize etu tuli nakuhanjikaho lelo. Ove muya nakupwa nakulinga omwo lusona wa chisuma nalukeza, kaha enu kaveshi

kukamitavila kunangula Mujimbu muli eyi jilako. Omwo kulinunga chachinene cha mauka kwiza hamwe, echi chinapu muchiyulo hano vene ha liuka lya kaye, ove mukaya nakujika katachikijilo kove kaunjiho wove na kuyoya chove, kuli Echi.

⁶⁸ Ove watela kufwelela Echi jino. Kachi vaze tupilishitu vanahase kukatuka, chize chamupaishile Ikiye, kaveshi kuhasa kumupaisa Ikiyeko. “Oloze,” ove muhanjika, “kachi Ngwapwilenga kuze kachi, Ngwalingile *munganji mukananga*.” Chamwaza, chize kachapwilenga chisemunuino choveko. Oloze, chino chinapu chisemunuino chove, elu lukiko lwola.

Enu ngwenu, “Chamwaza, kachi Ikiye apwilenga kuno!”

⁶⁹ Eyi Mbimbiliya ngwayo, “Ikiye youmwe zau, lelo, na haya myaka,” uze youmwe, shikaho Ikiye ali kuno. Oloze, Ikiye ali hano. Nge omu kaye kanatono, kwiza nakupwa kakanene, na kutanga chikuma, Ikiye ali muno mu chifwanyisa cha Shipilitu, chize vakiko kaveshi kuhasa kujiba mokomoko kuchihaka kufwa. Ikiye afwile kamwe; Ikiye keshi kufwa chekako. Ikiye atela kupwa mujimba wanyama mangana Kalunga vakamuhake mukufwa mumujimba wanyama, ha shili. Oloze lwola luno Ikiye keshi kuhasa kufwako; Napu Shipilitu Wajila.

⁷⁰ Jino, omu kushinganyeka nge vakiko vapwile na vyuma kana hali Ikiye! Chumachimwe, chize Ikiye keshi kuhasa kulinunga kala vifulo vyavo. Jino, mwamono, chize chamulingishile Ikiye kupwa muthu wamupi. Ikiye kahashile kulinunga na vikungulwilo vyavo—vyavo, kahashile kulinunga na vapidishitu, kaha Ikiye keshi kuhasa kulinga chuma chimweko. Kaha jino, kusali vyosena vize, Ikiye esekele kupula chuma vakiko vatungile.

⁷¹ Ikiye ayile nakwingila mutembele. Etu twamusanyika Ikiye kupwa Muthu wakulikehesa; Ikiye mukiko apwilenga, oloze kapapa kakavulu etu tweji kuhona kwivvushisa chize kuvova.

⁷² Ikiye apwilenga Muthu wakeke, oloze etu tweji kuhonanga lwolumwe kwivvushisa nyi keke chumamuka. Keshi keke yauthuko, keshi keke. Oloze, *keke* “ulunga paunga ya Kalunga.”

⁷³ Ikiye ahichile mu chijiva cha—cha Mbeteseta, chize chikolo. Kuze kwapwile vathu, mayongomena avathu. Mayongomena a nambala yimwe. Oloze kuze kuli mayongomena: chitonji, kapuputa, kumbilikita, wakalepa. Kaha Ikiye apwile na keke hali vathu, lwola lwosena. Kaha Ikiye ayile nakupwa muthuumwe chize chapwilenga keshi chitonjiko, kapuputa, kumbilikita, chipwe kalepa; pamo apwile naukalu wamalunga, pamo ikiye apwile na luyanjisa kumwimika. Ikiye apwile na seti eyite ya myaka. Echi chili nakuya nakumuyanjisa ikiye, apwilenga nakuya nakumujiha ikiye. Ikiye apwile nasavalha chisalo. Kaha Ikiye ambile ngwenyi, “Kutala mupwa kana?”

⁷⁴ Kaha uze lunga ngwenyi, “Kangweshi naumweoko wakuhaka mumeya, oloze shimbu Nguli nakwiza, chamwaza, muthuumwe

kushikumuka kulutwe lwami.” Talenu, ikiye nahase kutambuka, ikiye nahase kumona, ikiye nakuya nakujinguluka, oloze ikiy apwilenga kaha wamokomoko.

⁷⁵ Kaha Yesu ahanjikile kuli ikiye, “Katuka nakukanduka. Mbata kahela kove na kuya muzuvo yove.” Kaha Yesu vamuhulile hali chize, mwomwo enu anukenu ech Chisoneka ngwachyo ech.

⁷⁶ Shikangaho! Kachi Ikiye mwakeza ku Jeffersonville ufukuuno na kulinga ngachize, vakiko kachi vanahase kuhanjika hali Ikiye.

⁷⁷ Oloze, anuka, Ikiye ejile nakulinga chuma chimwe, chapwile muchima wa Kalunga. Jino, ech chikiko kuwana muli Mukakujila Yowano 5:19, enu namuya nakukumbulula. Ikiye ngwenyi, “Chamwenemewene, mwene, Nanguhanjika kuli enu, uze Mwana keshi kuhasa kulinga chuma chimwe muli Lyavene; oloze chuma Ikiye mwamona Ise kulinga, chikiko eji kulinganga Mwana.”

⁷⁸ Jino, vakiko vatela kutachikiza nge chize chapwile kwinjikiza cha upolofweto wa Mose, “Mwomwo Mwata Kalunga kenu mwakaya nakukatula Kapolofweto wakufwana nge yami.”

⁷⁹ Enu mwatalisanga, omwo Ikiye amwene uze muthu, Ikiye ngwenyi... Yesu atachikijile nge ikiye napunga muli eyi seteko ya myaka yayivulu. Talenu, kupwa Kapolofweto, Ikiye amwene uze muthu muli ize seteko; kaha ayile nakushikumuka kuze na kuhwingisa—kuhwingisa mujila Yenyi nakujinguluka kuhichila muli vathu, kutambuka nakunyengesa mitwe mulizavu, palanga Ikiye kuwana lunga umwe.

⁸⁰ Kuhita ha ha chitonji, kumbilika, kapuputa, kaha kalepa, oloze Lunga wakuzala na keke. Oloze, *keke* ili “kulinga mwaya muchima wa Kalunga.”

⁸¹ Jino, etu twawane Ikiye, nge Ikiye mwaya nakulinunga na vakiko, Ikiye keshi kuhasa chumachimwe chakulinga chifulo chavo, jino Ikiye apwilenga wakumbila. Ikiye mwaya nakupwa na...

⁸² Kusali ya chize, Ikiye ayile mu tembele likumbi limwe. Lunga Umwe ayile kuze na kuwana zuvo ya Kalunga kupwa pamo kupihisa nge lelo. Vakiko vapwilenga nakulanda, kulanjisa, kwalumuna mali. Kaha Ikiye kwalumuna jimesa amali; kumbata vikuto na kuvepula vikote, kaha kuveta vakakusekasena mu tembele. Kaha kusoloka hali vakiko na matoto, kaha ambile ngwenyi, “Echi vachisoneka,” haleluya, “Zuvo ya Tata yami zuvo yakulombela; kaha enu munayilingisa kupwa wina waveji. Kaha enu, na visemwa vyenu, vinapu jishimbi ja Kalunga chakuzeneka ngolo.”

⁸³ Mamalelo, lizavu lya tuyachi wangana navahasa kufwelela muli Ikiye? Nduma, mwane. Vakiko vanapunga vangulu

lyalanga muulova wa lizavu na majilo alikumbi, palanga vakiko vapwilenga vakakutanga vakulikwata palanga vakiko kawahashile numba kunyikisa na Ngolo ja Kalunga wa Undume. Shikangaho uze pwevo wamundende nahase kukwata kuchikuto Chenyi na kuhinduka hali Chize; kaha liswalale wakupenda ahashile kumufwijila kumeso Eyi na kwivwa ngolo pimbi! Chinemanyina omwo ove mupandama kuli Chize. Chinemanyina hachuma muka ove uli nakutala. Omwo ove myua kuliuka, chinemanyina hachumamuka ove uli nakutalaho.

⁸⁴ Jino etu twamumono Ikiye kwimana kuze. Kukakasana chauchi oloze chumauka vathu vali nacho chakuhuhumuna ikiye, kukumuna...uze kapilishitu ahuhumwine vathu, “Jino Ikiye ali nakwiza hano ha Sambata, kaha, omwo Ikiye mwalinga, kanda kwivwulila kuli Ikiye. Jino, enu munahase kuya nakutwama hano, oloze kanda kuhaka mangana kuli vize Ikiye ahanjikile, mwomwo Ikiye kalivwikile kulizavu lyetuko. Ikiye apwilenga wakutapula. Ikiye kapwilenga na kati ya kulikatako. Ikiye kapwilenga numba na lipapilo lya chikungulwiloko na Ikiye. Ikiye kapwile nachuma chimweko.”

“Chuma muka Ikiye?”

⁸⁵ “Vamwe va vanyinke vamalunga vaze vasemukilile kuno, vakusemukila muujila, ku limbo lya mukakusonga, nge naye kumwimita Ikiye shimbu kanda vakiko valimbate, kaha vakiko kweseka kusweka chuma kana na vyuma nya ukalunga.

⁸⁶ “Etu tunatachikiza nge, omwo Meshiya mwakeza, Ikiye mwakaya nakwiza mujisenge ja Mwilu kaha kuya kuli kapilishitu wamunene wakulitulaho na kuhanjika, ‘Yami uno Hano, Caiaphas.’” Oloze etu tunawane nge Ikiye kahashile kuchilingako mujila kana, mwomwo kavachisonekele mu Lizu ko muli ize jila. Chapwilenga chakutunga kuchisemwa cha vathu chize chalingishile vakiko kufwelela.

⁸⁷ Eli Lizu lyahanjika nge Ikiye mwakeza kaha mujila kana Ikiye mweza. Kaha kuze Ikiye emanyine, nakutanga eli Lizu, kaha kuhanjika kuli vakiko, “Lelo echi Chisoneka chinazalishiwa kumeso enu.” Kaha hanga vakiko vanahono kumumona Ikiye mokomoko kumwijiva Ikiye, nge muze vakiko valingile muvisemuino vyosena.

⁸⁸ Nowa ahanjikile chuma chochimwe, lize likumbi lize ikiye engilile muze muwato kaha chikolo kulisoka. Mose kachi azundwile janena helu lya wato, kutala ha mazavu...Anuka, Kalunga kusoka chikolo. Kaha ikiye pamo ahanjikile ngwenyi, “Lelo echi Chisoneka chinazalishiwa kumeso enu,” oloze echi chapwile chakukotokela kuli vakiko jino. Ikiye atangishile mu myaka handulendi na twende, kweseka kuwashinjila kwingila muwato uze ikiye atungile, kuvalweza nge Chisoneka ngwacho, “MWANAMBE MWATA, kuli nakuya nakunoka vula,” oloze vakiko va vandaminyine nakushimbula. Oloze Nowa nahase

washi kuhanjika nge, “Lelo, likumbi eli, echi Chisoneka chinazalishiwa.”

⁸⁹ Mose, likumbi lyolimwe ize Panda ya mulangi wa Kakahya kwiza nakushikumuka ha Pili ya Shinayi na kuhana ukaleho ku unjiho wenyi, Mose atelele kuhanjika ngwenyi, “Lelo echi Chisoneka chinazalishiwa.”

⁹⁰ Mose, munatachikiza, apwilenga lunga wakusanyika kuli Kalunga, kapolofweto. Kaha shimbu ikiye apwile wakusanyikiwa, kupwa kapolofweto, ikiye atelele kupwa na ngolo jaukalunga. Mangana apwenga kapolofweto, ikiye atela kulihumangana na Kalunga meso na meso na kuhanjika na Nenyi. Kaha chuma chikwavo, omu ikiye ahanjikile chejile nakuhita, mokomoko naumwe pimbi atelele kumufwelela ikiye.

⁹¹ Shikaho naumwe muthu ali nalisesa lya kumuveluka munganji kuvanga ikiye mwahanjika meso na meso na Kalunga, kusali ya pambo kumwe, kuze ikiye alihumanganyine na Kalunga, lyavene. Kaha vosena vaze vakakuzeneka kufwelela vamukaye kawahashile kulumbununa echi kufuma kuli vakiko; ikiye apwilenga kuze, ikiye atachikijile omu chasolokele. Mukakulishitu Wosena atelele kupwa na kuhasa shimbu kanda vakiko kuhanjika kala chuma hali Mukakulishitu. Kuhasa chove!

⁹² Ngwahanjikile kuli muhya wami, kunyima chindende, kanyike wamundende wa Katolika, nge ambile ngwenyi, “Nathu Bill, Ngunapunga nakuya kufuma ku panda nakumutondo, kuya kwosena, kweseka kuwana chumachimwe.” Ufuku na ufuku, shimbu kanda echi kuliwana chiputuke, ikiye apwilenga nakulila. Kaha lwola lwaufuku, ikiye napunga nakulota vilota kwiza nakwingilamo, kulahila kukamenga, kuze kunangula, na kwitavila chize ikiye kupwa wakuhenga.

⁹³ Ngwambile ngwami, “Melvin, chipwethuhu kwosena kuze namweseka kuya, mauka angahi ove unalinungu nawo, vangahi ‘Ove Maliya,’ ove ngwove, mokomoko jikisu jingahi ove nauwana kuli ou lunga, ove watela kusemuka cheka cha Shipilitu ya Kalunga. Echi chili kaha chuma chize chakusuulwisa muchima wa muthu.”

⁹⁴ Echi chili, Ngunatachikiza vakiko vali na kushishisa, lelo, kupwa wakusemuka chachihya cheka, kulimeneka mumavoko na mukakunangula na kuhaka lijina lyove mu mukanda. Oloze, masepa, evi vinapu kunangula chautha. Ou kaweshi Muchano wa Mbimbiliyako. Kachi echi nachinachihasa, Vilinga vya va Positolo, mu kapetulu 2, nauya nakutanga ngachize, “Omwo lize Likumbi lya Pendekosita lyejile, kafunga atambukile nakulovoka na kulimeneka mumavoko na vathu.”

⁹⁵ Oloze ambile, “Omwo lize Likumbi lya Pendekosita lineza lyehi,” haze hakuswanyisa cha Liuka, “kwejile lushindo kufuma Mwilu nge kuhuhwa cha peho yayinene, kaha yazale zuvo

yize vatwaminenga.” Muze mukiko Shipilitu Wajila ejile lwola lwatete. Omu mukiko Echi chejile lwola Iwosena kufuma haze ha lwola kana. Ikiye apwa Kalunga, kaha kalumukako. Jino, Cheji kulimbwisanga vathu.

Vakiko ngwavo, “Lize lyapwile likumbi likwavo.”

⁹⁶ Chamwaza, Ikiye apwa youmwe zau, lelo, na hayamyaka. Lwola Iwosena Liuka lyatambwile Shipilitu Wajila, Echi chinapu lwola Iwosena kwiza nge Ikiye alingile chize lwola lwatete, mwishi ya kusoneka chochimwe, Vilinga 2:38; kanda lyehi alumuke, kacheshi kuhasa kwalumukako.

⁹⁷ Nge ndotolo nakusonekela vitumbo vya musongo. Ikiye mwaya nakusoneka vitumbo vya musongo, nge ndotolo nalingimo lyehi. Kaha nakutwa kuli vakakulanjisa vitumbo, kaha ikiye kuhakamo chikuma chaulembe, wakuzeza kaha kaweshi kukulinga mwamwazako; kachi ikiye mwahaka chikuma ulembe hali chize, nachiya nakukuiha. Echi chatela kusoneka kutesekesa na ndotolo.

⁹⁸ Kaha ndotolo kukuonekela vitumbo omu mwakutambwila Shipilitu Wajila vanatuhanecho kuli Ndotolo Shimona Petulu, ha Likumbi lyu Pendekosita. “Nanguya nakumihana kusoneka cha vitumbo. Alumuka chakupihilila, muthu himuthu, kaha vamijimike mu Lijina lyu Yesu Kulishitu chakuneha kujimbangana jishili, kaha enu namutambula wana wa Shipilitu Wajila. Mwomwo echi kusoneka chili kuli vaze vali kwakusuku, kaha navaze vene vavavulu Mwata Kalunga ketu mwakasanyika.” Chize kusoneka cha Hayamyaka!

⁹⁹ Mose apwile nachize kuhitamo lyehi. Ikiye ayile mulifuchi kaha aputukile kuvalweka vathu, “Ngwaliwananga na Panda ya mulangi wa Kakanya. Yapwanga muchiputa chakuwema. Kaha Ikiye angulwekele kumilweka, ‘NGWAPWA MU NGWAPWA. Yako shikumuka; Nanguya nakupwa na yove. Mbata mutondo wove mulivoko nakukwachilila muze mu Yijipitu; kalachuma ove mulomba, nachikaya nakulingika.”

Chamwaza, pamo kapilishitu ahanjikile ngwenyi, “Echi chili chakuzeneka mangana!”

¹⁰⁰ Ooze omwo vakiko vamwene muchano wa echi, kumbata, kwiza nakuhita, vakiko kavahashile kuchikwachililako nakushimbula. Vakiko vatachikijile ikiye vamutumene kuli Kalunga.

¹⁰¹ Jino, kachi Mose ambile ikiye amwene chize, kaha kuchambulula chize kupwa Muchano, kahajino Kalunga ali wakukashiwa, kachi ou unapu Muchano, kusolola na kwinjikiza nge lizu lyu muthu, ou Muchano. Ou unapu muchano.

¹⁰² Kachi Yesu Kulishitu emanyine haze na kutanga, lize likumbi, “Lelo eli Lizu linazalishiwa kumeso enu,” Kalunga ali wakukashiwa kulinga nge Lizu kwiza nakuhita.

¹⁰³ Etu tunemana hano ufukuuno na kuhanjika, nge, “Yesu Kulishitu apwa youmwe zau, lelo, na hayamyaka.” Kalunga ali wakukashiwa kwinjikiza nge echi kupwa ngocho, mwomwo Eli linapu Lizu Lyenyi. Jino, chuma muka lyeji kulinganga? Nachiya nakumbata lufwelelo, muli kufwelela Echi. Mbata lufwelelo, mu kufwelela Lizu Lyenyi, nge Unapu Muchano.

¹⁰⁴ Talisenu chaumauka cheji nakuhita omwo Mose anehele vana, kaha navaze vosena vamukavangijile ikiye. Vaze vahonene kukavangiza mu Yijipika. Oloze vaze vakavanjile Mose, omwo vakiko vejile nakulovoka mu Kalungalwiji Uchila kaha vayile mupambo, Kalunga ejile kuze ku Pili ya Shinayi. Ize Panda ya Kakahya yahakile pili yosena hakakahya, kaha Lizu lyahanjikile kufuma muze, kaha Kalunga kuhana jishimbi likumi.

¹⁰⁵ Mose kachi atambukile kuze kumeso avathu, nakuhanjika ngwenyi, “Lino likumbi Chisoneka echi Ngunamilweke, hakupwa kapoloftewo Kenyi, nachikeza nakuhita. Ngunamilweke nge Kalunga anguwanyine, kaha kuze muze muchiputa chakukwata, mu Panda ya mulangi wa Kakahya, kaha Ikiye ahanjikile echi, ‘Nanguya...Echi nachiya nakupwa chinjikizo. Ove nauya nakuneha vathu hano vene muchihela cheka hano.’ Kaha kuze kuli Kalunga, mu Panda ya mulangi wa Kakahya yoyimwe Ngwamilwekele nge Ikiye apwilemo, kusukama helu haze ha pili. Lino likumbi upolofwote unazalishiwa. Hano Ikiye ali nakwinjikiza echi vyuma vize Nguhanjika kupwa Muchano.”

¹⁰⁶ Kalunga atuhana etu malunga nge ngachize, echi chinapu chakushishika nakupwa hamwe, kaha kumilweka Muchano, nge Kalunga wa Undume vanahase kwinjikiza lize Lizu Lyenyi hanga unapu Muchano! Ikiye nasale mwomumwe zau, nahayamyaka. Mwomwoika Ikiye ahonene kulinga? Ikiye ashikile kulinga chize.

¹⁰⁷ Yoshiwa pamo ahanjikile chochimwe, likumbi lize ikiye akindulukile ku Kadesh-barnea, kuze vakiko vapwile na ungeji wakuya mupambo. Vakiko vapwilenga na kukakasana mulifuchi kupwa muyachi wa lifuchi lize Kalunga ahanjikile nge nachiya nakupwa. Oloze Kalunga avalwekele vakiko chapwilenga lifuchi lyamwaza, lyapwilenga kuhingununa na mavele na uchi. Kaha Yoshiwa na Keleva apwilenga kaha vaval chize kufwelela, kuya kuze ku teni nakuseza. Omwo vakiko vakindulukile, vakiko vapwilenga na chinjikizo; vakiko vapwilenga na jipawa ja malunga vaval nakuya nakumbata.

¹⁰⁸ Yoshiwa na Kaleve vemanyine kuze kaha vambil ngwavo, “Lelo echi Chisoneka chinazalishiwa. Hano hakiko hali chinjikizo cha lifuchi lya mwaza.” Punduvene. Mwomwoika? “Kuli chinjikizo nge chili lifuchi lya mwaza. Kuze enu vyuma kana chize, mu Yijipitu? Kuze kwapwilenga vihela vimwe. Oloze lelo eli likumbi Chisoneka linazalishiwa.”

¹⁰⁹ Ikiye kachi ahanjikile chuma, chochimwe, omwo ikiye apolofwetele kaha ambile ngwenyi jimbango ja Yeliko yaholokele hanyima vakiko vatambukile nakujingulu ka kapapa ka seveni, makumbi seveni, kapapa ka seveni ha likumbi. Kaha omwo vakiko vahetete haze lwola lwamakumishilo, jize jimbango jaholokele hamavu. Yoshiwa ahashile kwimana na kuhanjika ngwenyi, “Likumbi lyalelo, Mukulwane wa Jita wa lizavu lya Mwata uze angulwekele milungu okwo chize nge nachisoloka nge ngachize, likumbi lyalelo ech Chisoneka chinazalishiwa.” Kuze kwapwilenga jimbango, haze vene hamavu. “Twayenu, echa tuyenu. Lize lyapwa lyetu. Lelo ech Chisoneka chizalishiwa.”

¹¹⁰ Omu chawaha, malunga ja Kalunga vemanyine ha vyuma vya kwoloka!

¹¹¹ Isalele, kuze kukalwiji, omwo vakiko vahetete kulifuchi, ayile. Vakiko navaya nakulinga ngachilihi? Echi chinapu kakweji wa Kambambanalisa. Mavaji alinakwiza nakushikumuka mwomwo mbundu ili nakuyengunuka, muze mu Yuleya. Mamalelo, apwile mukulwane wakuhutwa kusoloka nge apwile Kalunga, kuneha vathu Jenyi kuze, muli uze kakweji ka Kambambanalisa, omwo Yotane yapwile helu kunyima kuhambakna muze chapwilenga. Lwolalumwe . . .

¹¹² Ngunahase kwimana muze, kachi Ngwapwilenga na lwola, kuhana kaha mushipili yayindende. Lwola lumwe enu munahase kutwama kuze na kansa, mokomoko pamo ove unahase kupwa natwame na musongo; enu munashinganyeka, “Mwomwoika, yami, kupwa Mukakulishitu, pwako muli eyi jila? Mwomwoika Nangutwama ngana ech, kachi Nguli muka Kulishitu?” Lwolalumwe Kalunga echele vyuma vimwe namilima chize enu kuhasa kumona, kujingulu ka, mokomoko kwosena nawa, kaha jino Ikiye mweza na kulingisa kupwa jila kuhichila muli ove, mangana pamo kuhanjika, “Lelo Chisoneka chinazalishiwa, nge muze Ikiye ashikile kulinga.”

¹¹³ Ikiye echele vana va Hepelewu kutambuka mulilungu lya kakahya. Vakiko vambile ngwavo, “Kalunga Ketu nahase kusokola kufuma kukakahya ka lutengo. Oloze, chipwe ngocho, etu katweshi kuhasa kunongama muchifwanyisa chenuko.” Omwo vakiko vatambukilenga kupwa muze, kunuka cha lutengo hali vakiko . . . kakweshi kunuka cha lutengoko, kuhambarana, hali vakiko; vakiko kachi vahanjikile ngwavo, “Lelo ech Chisoneka chinazalishiwa.”

¹¹⁴ Omwo Ndanye afumine muwina wa vandumba, ikiye kachi ahanjikile chumachochimwe.

¹¹⁵ Yowano uze ka Mbaputishiti. Hanyima ya myaka fwo handulendi kunangula cha kutangisa, shikangaho lize liuka lyapwilenga mumajilo ha lwola luze! Omwo ikiye asolokele muze mupambo, Yotane, ikiye kachi emanyine mwakwoloka

kuze kukalwiji, nge omu alingile, kaha kuhanjika, “Lelo echi Chisoneka, Isaya 40, chinazalishiwa.”

¹¹⁶ Omu Ngunahashila kwimana na kumilweka chumauka uze kapilishitu wakashinakaji nangulweke! Ngwenyi, “Mwana walunga, ove kanda lyehi upwenga na Mujimbu.”

Ngwambile ngwami, “Unda kaha.”

Ikiye ambile ngwenyi, “Ove unalumbununa vakiko Vapendekosita kavachimona echiko?”

Ngwambile ngwami, “Nduma.”

¹¹⁷ Ikiye ngwenyi, “Ngunachimono echi.” Kaha kapilishitu wa Katolika, nawa! Huu-hu. Ikiye ngwenyi, “Mwomwoika unahonene kuya lika?”

Ngwambile ngwami, “Unda kaha.”

Ikiye ngwenyi, “Upahu kuli Kalunga! Ngunachimono echi.”

¹¹⁸ Kaha ha lwola luze Shipilitu Wajila aholokele hali ndumbwenyi wapwevo, natwame kuze kukuliwana. Kaha ikiye akatukile, kuhanjika mumalimi akuhona kutachikiza, kaha kuhanakulum bununa chuma chivene chize kapilishitu na Yami twapwile nakuhanjikaho, hazevene ha kamenga. Liuka lyosena, chihela chosena, ayile kukumbwoka. Chambachiwile namukukunguluka cha Oral Roberts mulungu unahichi, mokomoko shimbu kanda makumishilo, kaha apwilenga nakuhanjika ha kuliwana. Omu uze kapilishitu...Kutwama mwishi ya Shipilitu Wajila, kusolola chize kuhichila muli pwevo, ndumbwenyi wapwevo Ngwafwelela mukiko chapwilenga, ya chuma chapwilenga nakusoloka haze hakamenga, na kusolola chize chuma chize etu twapwanga nakusweka.

¹¹⁹ Elu lwola etu tuli nakuyoyelamo, lelo echi Chisoneka chinazalishiwa. Likumbi lyalelo na Kumunyika cha chingoloshi chineza, kaha etu twahono kumona Chize. Talisenu.

¹²⁰ Yowano ngwenyi, “Eli likumbi Yami ‘lizu ly a umwe ali nakulila mupambo,’ nge muze ahanjikile kapolofweto Isaya, ‘Longesa jila ya Mwata.’”

¹²¹ Vakiko kavachivwishileko. Ngwavo, “Mamalelo, ove yove Yesu...ove wapwa—ove uli Kulishitu,” mukiko kaha.

¹²² Ikiye ngwenyi, “Yami kangweshi Kulishitu ko.” Ikiye ngwenyi, “Kangwatelele kukasununa mindelo Yenyi ko. Oloze,” ikiye ngwenyi, “Ikiye nemana mukachi ketu, kumwe,” mwomwo ikiye apwile wakukunyuka nge Ikiye mwaya nakupwa kuze. Ikiye mwakaya nakupwa mulikumbi lyenyi, mwomwo Kalunga amulwekele nge atela kujimbula Meshiya.

¹²³ Likumbi limwe mukweze walunga kwiza nakutambuka nakushikumuka kuze, kaha ikiye amwene nge Kumunyika helu lya Ikiye, chinjikizo. Kaha ikiye alilile, “Tala mwana Mukoko wa

Kalunga! Likumbi lino Chisoneka chinazalishiwa kumeso enu.” Punduvene.

¹²⁴ Ha Likumbi lya Pendekosita, omu Petulu emanyine na kutanga Chisoneka chavo, cha Yowele 2:38. Omwo, vakiko vapwile vosena nakuseha, vaze vathu. Vakiko kawahashile kuhanjika mulilimi lyavo vavene ko. Vakiko vapwilenga kutatwojoka chuma chimwe nawa. Eyi Mbimbiliya yahanjika ngwayo, “Tumilangi twakakahya.” *Tumilangi* “twalipangile” lilimi, keshi kuhanjika chumachimwe, kaha kutatwojoka. Kulaha nakujinguluka nge lizavu lya vathu vakakupenda!

¹²⁵ Vakiko vosena ngwavo, “Chamwaza, ava vathu vanapu vakupenda. Tala hali vakiko, tala omu vakiko valingilenga, omu vakiko mapwevo na malunga. Vakiko vapwile muchimbalanganyi,” ambile ngwenyi nge lizavu lya vakakulifukula.

¹²⁶ Petulu emanyine mukachi kavakiko, ngwenyi, “Malunga na vandumbwetu, enu mwatwama mu Yelusalema, na enu mwatwama mu Yuleya, echa chipwenga chakwivwushisa kuli enu nge ava kavapendele, nge omu enu munashinganyeka, kumona kuchili kaha lwola lwamuchitatu lwa likumbi. Oloze echi chikiko chize vahanjikile muli kapolofweto Yowelo, ‘Nachikaya nakusoloka kumakumbi akumakumishilo, Nanguya nakuhingununa Shipilitu Yami hali vakwechi mijimba vosena.’ Lelo echi Chisoneka chinazalishiwa.” Punduvene.

¹²⁷ Luther ejile ha lwola lwakwoloka. Wesley apwilenga wakwoloka halwola. Pendekosita apwilenga halwola lwakwoloka. Kakweshi chuma chakufuma muchiyulo.

¹²⁸ Jino Ngwamilombo enu katalisa kanawa ha lwola etu jino tulimo, na lushiko lwa Lizu lya lelo. Kachi kunyima mu visemunuino yikwavo, malunga vanahase kuhanjika, “lelo echi Chisoneka,” “lelo echi Chisoneka,” jino ngachilihi Chisoneka cha lelo? Chuma muka vashikile mulikumbi lyalelo? Hali etu tunemanyina? Ola muka etu tuli nakuyoyelamo, omwo koloko yili nakwenda, koloko ya sayasi, minyutu yitatu shimbu kanda mukachi kaufuku? Kaye kakwechi vyuma vyakuzeneka kuzama. Eli liuka lili mukahela kakupola. Kuze kakweshi muthumwe atachikiza hali vakiko vanemanyina. Lwola lwa likumbi muka echi? Ngachilihi ha Chisoneka cha lelo? Seteko ya liuka, mokomoko, chiyyo yelo cha liuka lelo!

¹²⁹ Muno mukaye, milingu, zachiso ya kaye ketu, kupwa kaha kupola nge omu chinahashila. Kangweshi ngukamilinguko. Ngwapwa Mukakulishitu. Oloze, Kangweshi namulimo nakuhanjika ha milinguko, oloze Ngwatondo kuhanjika nge vakiko vali vakupola kusali josena.

¹³⁰ Ngwavotela kamwe kaha, chize chapwilenga hali Kulishitu; Ngwatela kungalanya. Ou liyavolo anguvotelele mwamupi yami, kaha Kulishitu anguvotelele yami; kukundamina hajila

Yami nanguvotela. Yami Ngunawahilila hali Ikiye; echa kaye kahanjike chumauka vakiko vanatondo kupwa. Nguli lika nakufwelela nge Ikiye ali youmwe zau, lelo, nayaha myaka. Ikiye mwakaya nakwinjikiza ech. Ikiye punduvene mwakaya nakuchilinga. Punduvene.

Kuvula cha ukenya, muukweze!

¹³¹ Tala ha lifuchi lyetu, temo yimwe ya mavu, kukasunuka chetu vachitungile kuze mu—mu muze...hakuvilika cha lipande, kaha kuvilika cha lipande vachifwachikile, kaha etu twapwilenga na lisesa lyakukasunuka, kaha vakakuluka jetu vavanene, na vyuma vize vakiko valingile, etu twapwilenga na lifuchi lyalinene.

¹³² Oloze ikiye jino ali nakupola kupalatata, na kulinyikisa, na kuhana. Kaha kweseka kutalesa vathu, kupwa namali akutuma, nakulanda usepa na vakakole; vakiko kumbila ech kunyima kumeso avo. Jita yatete ya kaye, jita jamuchivali ya kaye, kaha hanga ili nakwenda nakutwala ku yamuchitatu. Punduvene. Milingu yinapolo, kupola, yinapolo mbwe nakwishi. Kupwa kaha vene nge mu Mateu 24 ambile ngwenyi nachikaya nakupwa, “Lifuchi nalikaya nakufumbukila lifuchi likwavo, wangana naukaya nakufumbukila wangana ukwavo.” Vyuma vyosena navikaya nakusoloka. Echa tutalenu ech jino. Chosena chakwoloka.

¹³³ Talisenu chikwavo, kuvula cha kutanduuka cha sayasi. Jino, lwola lumwe, kupwa kaha nge...kaka Yami walunga ayile nakutala kaka yami wapwevo, mulitemba. Holili ndeke, mokomoko kutambuka na mupeho, nakwingila muutangatanga. Echi chinapu chachinene...Omu, hiya ahanjikile ech? Ndanyele 12:4, ngwenyi, “Chinyingi nachikaya nakuvula mumakumbi akumakumishilo.” Etu twamono ola etu tuli nakuyoyela. Talisenu jino eyi—eyi seteko ya kaye, seteko ya sayasi.

¹³⁴ Kaha talisenu cheka, lelo, mu vilinga vy a kutanga. Jino kanda kweseka kukana echiko. Ngukwechi mijimbu ya halipapilo, kunangula usunda mumau...muma shikola etu, avakweze vakashikola kupwa na nakulinga ujila na mukwavo, kutala nge vakiko vanahase kuliwana muno mukaye. Eyo, mwane.

¹³⁵ Ngachilihi muupilishitu wetu? Ufukuuno Ngukwechi chihanda cha lipapilo. Kuze ku Los Angeles, California, kuze kuli lizavu lya vakakunagula, va Mbaputishiti nava Pulishiteliyani, vakakuzata, vanehele lizavu lya kakulimbata mwove mwavo kulilongesa kulimbata mwavomwavo, kuhanjika vakiko vapwilenga nakweseka kuvangalanya nakuvaneha kuli Kalunga. Omwo, ech chinapu vyangu vimwe vy a ola, Satome! Kaha lushimbi lwavakashile vakiko.

¹³⁶ Jino etu tuli halih? Zachiso yetu yosena yinapu yakupola kufuma kwishi yetu. Ngunamono kutanduuka cha vakakulimbata mwavo mwavo kuhita mu United States chinatandauka na twende mokomoko seti pesenti mumwaka unahichi ngana. Shinganyekenu chize, lunga mwayoya na lunga, chochimwe nge omu valingile mu Satome.

¹³⁷ Kutanduuka cha ukenya, muukweze! Ola muka etu tuli nakuyoyelamo? Lelo eli Lizu lya upolofweto linazalishiwa.

¹³⁸ Kulifukula cha kaye, liuka livene, eli liuka, vavuluka kupwa liuka, eli etu tweji kuvulukanga liuka lyakusanyika, liuka lya chisemunuino chamakumishilo, chisemunuino cha Chipendekosita cha liuka, mukiko chili? Echi chili mu Lauchiseya, nge omu yahanjika Chisoneka.

¹³⁹ Lelo vakiko vashikumwishile mikeleko. Mapwevo javo vali chimbwa uselesele. Malunga javo vali... Echi chili chachikalu. Vamwe vavo vambachile kapapa katatu mokomoko kawana, vali na halizavu lya vakuzata muliuka, kaha vyumavyosena nawa. Vakiko vashikumwishile, kaha vanehele kupola mwomwo vakiko vatwaminenga mujikasulu na kumbata chihela cha kaye.

¹⁴⁰ Kaha, lelo, vakiko vakwechi jizuvo jambwende, jize kanda lyehi vapwenga najo. Vihela vimwe, vimwe kutungaho zuvo yayinene ya fifite miloyoni ndola, fifite miliyoni ndola. Chipendekosita! Echi chapwilenga kupwa mumbango, twende faifi ya myaka, kuveta ha kangoma. Ambile ngwenyi, "Etu..."

¹⁴¹ Mwomwo, chize Chisoneka ngwacho, mu Kusoloka 3, nge enu munapu "Wakupita," ambile ngwenyi, 'Ngunapu wakupita. Ngwatwamanga nge lisano. Kangweshi nakutonda chumako.' Kaha ove kawatachikijileko nge ove uwakuvindama, wakusuvala, wakuhutwa, uselesele, kapuputa, kaha kawatachikizako!"

¹⁴² Eli likumbi lino ech Chisoneka chinazalishiwa kumeso enu. Amena! Amena kulumbunukila "shikaho chipwenga ngocho." Kangweshi nakulilingila amena, oloze Ngwalumbununa Ngwafwelela Ou unapu Muchano. Lelo ech Chisoneka chazalishiwa.

¹⁴³ Eli liuka lya Pendekosita lili museteko ya Lauchiseya. Mamalelo, vakiko hanga valimbukile na kutambakana, kaha nakutwalilaho omwo mwaso uli nakuveta. Omwo myaso nayimana kwimba, mokomoko myaso yakuhemu vamwe kuhema na kusanyika Mukakulishitu, kaha kala chuma chemanyine, upahu wosena unayi. Yaah.

¹⁴⁴ Kachi chinapu kwalisa Kalunga, kakwapwilenga tupyololo vakutamo—vakutamo ngolo muno mukaye kwimika chize. Omwo ech chejile nakufuma kuli Kalunga, kachambachile myaso wakuvumako. Echi chambachile Shipilitu ya Kalunga kwiza nakushimuka. Chize chikiko chejile nakupwa.

¹⁴⁵ Kaha vakiko vana chivulyama Echi, mwomwo vakiko valumbikile wana wa Shipilitu Wajila, “chinjikizo chakuputukilaho kuhanjika mumalimi.” Kaha Ngwevwile maliyavolo na valozi kuhanjika malimi.

¹⁴⁶ Ou Shipilitu Wajila ikiye Lizu lya Kalunga muli enu, lyeji kulisolola Livene ha kwitavila eli Lizu. Kuweluka wa chize, kacheshi kuhasa kupwa Shipilitu Wajila. Kachi nalihanjika nge yinapu Shipilitu Wajila, kaha kukana Lizu limwe lya Mbimbiliya, kahyeshi Shipilitu Wajilako. Echi chinapu chinjikizo nge ove wafwelela mokomoko chiku.

¹⁴⁷ Talisenu chinjikizo chikwavo chachinene. Va Yuleya vali mulifuchi lyavo; lifuchi lyavo vavene, mali avo vavene, membala wa Mafuchi a Kulinunga. Vakiko vapwilenga na maswalale. Vakiko vapwilenga na vyosena. Vakikovapwilenga mwimbo lyavo; ize, Yesu ambile ngwenyi, “Linangulenu chishimo ya mukuyu.” Yikiko kuyatwama, kuze vene kuyima ya lifuchi. Lelo echi Chisoneka chinazalishiwa, va Yuleya mumazuvo yavo.

¹⁴⁸ Lelo echi Chisoneka chinazalishiwa, mu Chisemunuino Cha Lauchiseya.

¹⁴⁹ Eli likumbi lino eyi Chisoneka, Mateu 24, akuzalishiwa. Aka kaye kali mukupola, chuma chosena; mafuchi kulifumbukila mafuchi akwavo, mindende muvihela vyeka navyeka, jipeho jajinene kwiza nakushikumuka, kunyikisa mafuchi, na vyangocho, kwenyeka chachinene kwosena. Lelo echi Chisoneka chinazalishiwa.

¹⁵⁰ Jino etu tunawane nge chiyyoyelo cha kaye. Etu twamono liuka lyachisemwa—lyachisemwa, chikungulwilo, chikungulwilo, etu twamono oho etu tuli. Etu twamono kuze kuli mafuchi ali. Kaha etu kumona lize likumbi na vishiko kuzalishiwa.

¹⁵¹ Jino, oloze muli lino likumbi kuli nakwiza yakulitulaho, Mbuto ya Wangana ya Apalahama. Echi chikiko chuma Nachikaya nakupwa, nayikaya nakupwa Mwenga wa Wangana waku Wangana, Mwana walunga walushiko. Nge omu Ngwahanjikanga ufuku unahichi, kayeshi kukapwa mbuto yakuchisemwako, nayikaya nakupwa Mbuto yakushipilitu. Nakukaya nakupwa Mwenga wa kushipilitu kukatuka, uze mwakaya nakupwa Mbuto ya Wangana ya Lufwelelo lwa Apalahama ya Mwana walunga wa Wangana. Ikiye mwakeza nakusoloka mumakumbi akumakumishilo, kaha lwola na chihela chinapu lushiko luze vahana kuli Ikiye.

¹⁵² Kutesekesa na Malaki 4, Chisoneka, kuze nakukakatuka Mujimbu uze naukaya nakuyikisa michima ya vathu kukinduluka cheka kumasetu vapositolo. Kuze nakukakatuka hazevene, mu ngolo ja Eliya, chikiko najikakatuka nakwiza; muthu wamupambo ikiye mwakeza, kaha mwakaya nakupwa

na Mujimbu uze naukaya vene nakukinduluka mu Lizu cheka. Eyi ikiko ola etu tuli nakuyoyelamo.

¹⁵³ Kahajino, shinganyekenu jino, Ngwamihulisa enu ola ino, enu vathu hano mu Jeffersonville. Mu 1933, Kumunyika chaukalunga chize chaholokele kuze kukalwiji, lize likumbi omwo Ngwapwile nakujimika faifi handulendi mu Lijina lyu Yesu Kulishitu, nge pamo kanyike walunga wa twende yamyaka yakusemuka. Chumamuka Chahanjikile, Jeffersonville? Chumamuka Chize kuze kumahinji a Spring Street, omwo *Courier Journal*, Ngwafwelela chapwilenga *Louisville Herald*, valongejekele ize mikanda Yacho? Yayile kwosena kuhita mu Associated Press, kuhita na mu Canada. Ndotolo Lee Vayle kuvatula echi mulipapilo, kuya ku Canada, mu 1933.

¹⁵⁴ Omwo Ngwapwilenga nakujimika muthu wa nambala seveteni, mwishi ya Chinjiho; kaha enu munatachikiza mujimbu wosena. Kaha omwo Ngwapwilenga ngunemana kuze, kujimika muthu wa nambala seveteni, Kumunyika chasulukile kufuma Mwilu, kuvwakuma helu haze, nge Tanganyika kuholoka kufuma Mwilu. Lizu ngwalyo, “Nge Yowano muka Mbaputishiti vamutumine kuya kulutwe Iwakwiza chenyi chatete cha Kulishitu, Mujimbu wove naulivanga kulutwe lwa Kwiza Chenyi chamuchivali, kwingila mukaye kosena.” Lelo echi Chisoneka chinazalishiwa.

¹⁵⁵ [Chikungulwilo chili nakuwahlilila—Muka.] Lelo! [Chikungulwilo chili cha kuwahlilila chikuma na kwalisa Kalunga.] Kalunga ashikile echi. Chasolokele ngachilihi? Lelo unahichi kaye.

¹⁵⁶ Kaha omwo Kalunga ejile kuze kaha ambile ngwenyi, omwo Ngwapwilenga kanyike wamundende, muze muchiputa chakuwema, mokomoko chiputa kuze, ha kakahya na Panda ya mulangi wa Kakahya, helu hano ha chihela cha Wathen mu Utica Pike; kuswita meya kunyima kuze, kufuma kuchisete nakutwala ku moonshine still, munatachikiza muchano waechi. Ikiye ngwenyi, “Kanda ove mukanwa makanyako, mokomoko kunwa wala, mokomoko kujilula mujimba wove, mwomwo kuli mulimo wove watela kulinga omwo naukakola.” Nguli nakwambulula echi kupwa Muchano, nge Ngwamwene Echi. Kaha Kalunga, nge omu Ikiye alingile na Mose, ahanjikile kumeso a chikungulwilo kuze, kaha ngwenyi, “Ou unapu Muchano.”

Lelo echi Chisoneka chinazalishiwa mukachi ketu.

¹⁵⁷ Tala omwo Ikiye ahanjikile hali kutumbununa, kaha nomu nachipwa; kufuma kukuhaka mavoko hali vakiko, kutachikiza vyakuswamana mumuchima. Lelo echi Chisoneka chinazalishiwa kumeso etu.

¹⁵⁸ Eji jishiko jize vahanjikile, talisenu, jishiko josena vananjikizanga na kuzalishiwa kuli Kalunga wa lushiko. Tala,

chinasukama mu Washington, DC, ufukuuno, chize chifwanyisa cha Kangelo ka Mwata!

¹⁵⁹ Nge George J. Lacy, uze mutwe wa FBI fingerprint na mikanda ya fulumende ya United States, kuchikekeza Echi kufuma ku Houston, Texas, kaha ambile ngwenyi, “Echi chikiko kaha Chuma cha ukalunga chize vakopele mukaye kosena.” Ikiye atelele kutachikiza; ikiye napu umwe wamwaza uze muze mukaye, hali chize.

¹⁶⁰ Talisenu, chize Chasukama kuze, nge Muchano, Panda ya Kakahya ize yatwaminyinenga va Isalele kunyima kuze muze mupambo. Yili nakutwaminyina na lelo, yoyimwe ya Mujimbu, wa, “Twaya lovoka kufuma mu Yijipitu!” . . . ? . . . Lelo echi Chisoneka chinazalishiwa. Munatachikiza ou Mujimbu uze Ikiye ahanjikile.

¹⁶¹ Tala hali chimweno chaku Tucson, myaka yitatu kunyima okwo, omwo kuze kwemanyine kuze. Omwo, myaka itanu kufuma haze, Ikiye ngwenyi, “Likumbi lize kujika mutondo wambongi kulutwe lwa chikolo, alumuka ovelayavene utalise ku Mulauko.” Masepa jami wamumbalaka enu muli hano, munatachikiza nge prop- . . . luze—luze lwola. Echi chakwoloka.

¹⁶² Kaha likumbi lize mukulwane Goynes na vakiko vapwilenga kuze, kaha kushikumwisa hamavu, Ngwambile ngwahanjikile kuli pwevo, “Kuli chuma chimwe hali echi.”

Ikiye ngwenyi, “Chuma muka echi?”

Kaha Ngwayile na kutala mu mukanda wami waundende. Mukiko chapwile.

¹⁶³ Kaha chimene chashishileho, ha teni koloko, kutwama muze, kapeka kami kuze, pamo teni koloko, Kangelo ka Mwata ejile. Ikiye ambile ngwenyi, “Yako ku Tucson. Ove ukapwe ku kukuto ya Tucson, kaha kuze nakukaya nakupwa Tungelo seveni mukulikwata vaze navakanyikisa mavu osena akujinguluka ove.” Kaha ambile ngwenyi, “Nakaya nakukulweka kufuma kuze.”

¹⁶⁴ Vangahi vananuka echi, hano, kunyima okwo shimbu kanda echi chisoleke? [Chikungulwilo ngwacho, “Amena.”—Muka.] Kuli malunga vanatwame hano muli ino zuvo ufukuuno, vemanyine kuze vene omwo chasolokele.

¹⁶⁵ Kaha ambile ngwenyi, “Tuze Tutachikijilo twa Seveni twa mangana akuswemana a Mbimbiliya yosena navakaya nakusokoloka, kaha kuzalisa Kusoloka 10, nge mu Mujimbu wa chitanu nakavali evi vyuma vyatela kwiza nakuhita.” Lelo echi Chisoneka chazalishiwa kumeso enu. Lelo echi chisoneka chazalishiwa.

¹⁶⁶ Mwaka unahichi, kwimana muchihela chochimwe, Mukulwane. Wood hano na Yami, kuya nakukanduka kupili, mumuyachi wa chimene, pamo pwevo lyenyi kupwa wakuviza,

uze Shipilitu Wajila ngwenyi, “Mbata lilolwa haze. Mbila helu mupeho. Omwo chejile nakushikumuka, nakuhanjika, ‘MWANAMBE MWATA, nakukapwa kusopesa nachiza hamavu.’ Mulweke ikiye nge mwaya nakumona livoko lya Kalunga, jiola jajindende jakushisaho.”

¹⁶⁷ Ngwamulwekele Mukulwane Wood, ali muno ufuukuno. Kaha, Ngwashinganyeka, eyiti mokomoko teni ya malunga, mokomoko fifteni, chize chapwilenga kuze mulwola omwo chasolokanga; chimene chashishileho, kuze Mwata ejile nakushikumuka mu kakundukundu na kupula ize pili yatujingilikile, kaha vaze helu nakupula mitondo, kaha nakuvuma katatu katatu, kaha ambile ngwenyi, “Kusopesa chili kulutwe lwa Kungenge ya Mulauko.”

¹⁶⁸ Makumbi avali hanyima yachize, Alaska ha musana swii na mavu. Kaha kufuma haze jino, helu nahamavu ya Kungenge, vyema vya utenu wa Kalunga kufumbukila kumona cha kushipilitu. Kuze kuli ngiza, kuze kuli chiuva cha jita ututa, kaha kuze kuli chiuva cha shili.

¹⁶⁹ Kutona chinatanduuka na musana; mukiko chili na Mujimbu wamwaza. Vakiko vaneza nakufuma kumututuko na kuya kumulauko, nge omu musana unayi. Kaha jino Chapwilenga Kungenge ya Mulauko. Kachayilenga cheka kulutweko; kachi Nachiya lika kulutwe, Nachiya nakukinduluka kumututuko cheka.

¹⁷⁰ Uze kapolofweto ambile ngwenyi, “Kuze nakuya nakupwa likumbi lize kaveshi kukavuluka kupwa ufuku mokomoko likumbi,” likumbi lyakunyengetesa, vula yayivulu na vizunda, kupwa vakutamo kutachikiza mwkulunungila na liuka mokomoko kuhaka lijina lyove haze ha mukanda. “Ooze nakukapwa Kumunyika ha lwola lwa chingoloshi.” Lelo echi Chisoneka chinazalishiwa.

¹⁷¹ Chochimwe—chochimwe m-u-s-a-n-a uze weji kutukanga kumututuko ukiko woumwe m-u-s-a-n-a weji kulaukanga kumulauko. Kaha uze m-w-a-n-a youmwe ka Kalunga uze ejile kumututuko kaha kulinjikiza Lyavene kupwa Kalunga kusoloka mumusonyi, ikiye youmwe mwana ka Kalunga wakusali yakumulauko, echi chinapu kulisolola Lyavene mukachi ka liuka ufukuuno, youmwe zau, lelo, na hayamyaka. Chize Kumunyika cha chingoloshi cha Mwana chatela kwiza. Lelo echi Chisoneka chazalishiwa kumeso etu.

¹⁷² Hali etu tuli mu Chsemunuino cha Apalahama? Kuze etu mu lwola lwalunene etu twemananga, ola yayinene eyi etu tuli nakuyoyelamo? Vimweno vyosena vinapu vyakuzalishiwa.

¹⁷³ Ngachilihi omwo mukakuzata wamundende sepa lyetu hano, kuzachila hamwe ndumbu wapwevo, Swana Jackson, kwiza nakulaha kuufuku umwe, yami kwishi kuze, ambile ngwenyi, “Ngwapwile na—na chilota, Ndumbu walunga

Branham, chize chili nakunguyanjisa. Ngwamwene vosena vandumbwami kukunguluka hapili.” Kaha ambile ngwenyi, “Hali eyi pili, ove wapwilenga nakunangula jisona jize jakusoneka, kusoloka nge, mujisoneka jimwe lwola luze muwina mulilolwa. Omwo ove wakumishile chize, chize chosena chakumishile, ove watulwekele, ngwenyi, ‘Twaya tuhu,’ kaha etu vosena vatulwile.”

¹⁷⁴ Ambile ngwenyi, “Ove wahetele kufuma kulihi, kaha kusoloka ngaze, kupwa nge hamala kaha kuhita helu lyakaposhi kusokoloka. Kaha, omwo chalingikile,” ambile ngwenyi, “lilolwa granite na kusoneka hali kiko. Kaha ove wamulwekele ‘tala hali echi.’” Kaha enu vosena... “Etu tuvosena twaputukile kusoloka.” Ngwenyi, “Ngwasokolwele mutwe wami, kaha Ngwamwene ove kuya ku mulauko, kupwa kaha chachikalu kupwa, kutwala kukutwama mumusana.” Vangahi vananuka echi? [Chikungulwilo ngwacho, “Amena.”—Muka.]

¹⁷⁵ Kaha Ngwemanyine kuze chindende palanga Shipilitu Wajila achisolwele echi. Ngwambile ngwami, “Eyi Mbimbiliya yosena, nge vanachisolola kuli muthu, kuhichila mu kuvulukila kwoloka, kujilikiwa, lujimiko lwa Shipilitu Wajila, elu lujimiko muli Lijina lya Yesu’, na vyuma vyosena evi, vyatela kuvisolola; oloze kuli vyakusweka mukachi, mwomwo Mbimbiliya vayijika na Tutachikijilo Tutanu natuvali. Ngwatela kuya kuze nakuwana echi.”

¹⁷⁶ Chize chimene omwo vaze Vangelo seveni kwiza nakuvuma hamavu, kaha malolwa kutuka kwosena, vangelo vatanu vemanyine kuze kaha vambile ngwavo, “Kukinduluka ku Jeffersonville, kufuma oku unafuminyina kulihi, ha tutachikijilo twa Seveni twa mangana akuswama anasokoloka.”

¹⁷⁷ Hano etu tuli, lelo, kwivwushisa cha *Mbuto ya Linoka*. Mumakumbi amandende, kachi Kalunga mwachitaviza, etu natuya na kwivwushisa mwakwoloka ha *Kulimbata Na Kulilukulula*. Kaha vyuma vyosena vize Kalunga asokolwele, kala Katachikijilo, mangana akuswana kufuma muchikuku cha kaye. Kaha etu tunapunga mu kuwahlilila, Kupwa cha kukisula Chenyi! Echi chinapu muchano. Eli likumbi, echi Chisoneka!

¹⁷⁸ Ize *Life* magazine yapwile nakusoneka cha echi, “Mujingulula wa Kumunyika kuya nakuhita mukaye helu lya Tucson na Phoenix,” mujila yoyimwe ize Ngwamilwekele hakamwihi na mwaka shimbu kanda echi shisoloke, omu nachiya nakupwa, kaha nge triangle. Chize chifwanyisa chinasukama muze muliuka kwishi kuze. Enu mwambachile yize manganjinyi yikwechi. Kuze yapwilenga, muze vene. Vakiko ngwavo, “Ili twende seveni milosi helu na seti milosi kuhita.” Vakiko kavachivwishishileko chuma muka chasolokele. Chasolokele chakukomwesa na kuya mukukomwesa.

¹⁷⁹ Ndumbu walunga Fred Sothmann, Ndumbu walunga Gene Norman na Yami, kwimana kuze, vatatu kupwa chinjiho, nge helu lya hapili: Petulu, Yakova, na Yowano, kuhana chinjiho, kwimana na kutala omwo chasolokele, kaha kumona echikulingika.

¹⁸⁰ Kuze Echi chili, chakusukuma muutangatanga; shikaho, kakweshi kulikehesako, meya mokomoko chuma chimwe kutunga na—na mbundu. Navaze ngachilihi kuno? Echi chapwile va Vangelo ja Kalunga kukinduluka, hanyima ya Mujimbu yavo. Likumbi lya lelo ou upolofweto unazalishiwa mukachi ketu. Lelo echikulingika chinazalishiwa.

¹⁸¹ Tala, Tutachikijilo twa Seveni vanatusokolola. Uze kakundukundu ali ku Kungenge ya Mulauko. Jino, kanda kujimbalisa echiko, nge vakiko kunyima kuze.

¹⁸² Jino, kutonda chami, kupanda chindende kulikumbi lyetu. Chisoneka chahanjika yika hali echikulingika, kaha ha lwola etu tuli nakuyoyelamo? Yesu kuhanjika...Kangweshi na lwola nakuvambata vakiko vosena, oloze Ngwatondo kumbata echikulingika chimwe shimbu kanda etu tusoke.

¹⁸³ Yesu ngwenyi, muli Mukakujila Luka kapetulu 17, vasi 30. Yesu Kulishitu, eli Lizu Lyavene! Enu mwafwelela echikulingika? [Chikungulwilo ngwacho, “Amena.”—Muka.] Yesu Kulishitu, eli Lizu Lyavene, kupwa musonyi, kuhanjika kaha ambile ngwenyi chuma eli Lizu naliya nakupwa mulwola lwamakumishilo, chumauka nachiya nakupwa chinjikizo chamakumishilo cha kaye. Ikiye avalwekele lifuchi nalikaya nakufumbukila lifuchi likwavo, oloze Ikiye ngwenyi, “Nge muze chapwile mumakumbi a Satome, shikaho mukiko nachikapwa na mulikumbi omwo Mwana muthu navakamusolola.”

¹⁸⁴ Jino, omwo Yesu ejile hano hamavu, Ikiye ejile mu lijina lya Vana vatatu: Mwana muthu, ali kapolofweto; Mwana Kalunga; na Mwana Ndavichi.

¹⁸⁵ Jino, Ikiye ayoyele hano hamavu. Ikiye kahanjikile ngwenyi Ikiye apwilenga Mwana Kalunga. Ikiye ambile ngwenyi, “Yami ngu Mwana muthu.” Yehova Lyavene avulukile Ezekiel na tupolofweto, “Mwana muthu.” Mwomwo, Ikiye atela kwiza nakuzalisa Chisoneka nge kapolofweto. Mose ngwenyi, “Ou Yehova Kalunga kenu mwakaya nakukatula Kapolofweto wakufwana nge yami.” Ou ukiko mulonga Ikiye ahonene kupwa Mwana Kalunga kuze, mwomwo Ikiye apwilenga Mwana muthu. Ikiye...“Eli Lizu lyejile kuli tupolofweto.” Kaha Ikiye apwilenga lize Lizu mukuzalilila Chacho. Mwana muthu, uze—uze kapolofweto wamunene...Keshi kapolofweto wamunene ko, oloze Kapolofweto ka Kalunga, “Kuzalilila cha Ukalunga mumujimba wenyi chapwile muli Ikiye.” Shikangaho, Ikiye apwilenga Mwana muthu.

¹⁸⁶ Jino, ha myaka tu sauzande, Ikiye vanamulweke etu nge Mwana Kalunga, Shipilitu.

¹⁸⁷ Kaha mulikombakaji, Ikiye mwakaya nakupwa Mwana Ndavichi, ha Litanda. Etu vosena kutachikiza chize, hiya mwafwelela echi Chisoneka.

¹⁸⁸ Jino, Yesu ambile ngwenyi, kumakumishilo a chisemunuino cha liuka nge etu tuli nakuyoyelamo, nge “Uze Mwana muthu navakamusolola cheka mujila yoyimwe chapwile, nge muze chapwilenga mu Satome.”

¹⁸⁹ Tala jino, mumijimbu yamwaka, Ikiye ahanyine echi. Ikiye ambile ngwenyi, “Nge muze chapwilenga mumakumbi,” chatete, “a Nowa, omu vapwilenga nakulya, kunwa, kumbata, nakumbachisa.” Jino Ikiye anehele, chashishileho, chamakumishilo, kuli Mwana muthu, ku Satome. Mwomwo, kuze Ikiye apwilenga nakuzata na va Yuleya; hano, ku Satome, Ikiye ali nakuzata na vakamafuchi eka. Kuze, Ikiye avashikumwishile vosena mumeya, mu kusopesa; hano, ha Vakamafuchi eka, Ikiye avochele vosena lize likumbi lya Satome. Echi chakwoloka. Vaze Vakamafuchi ekakaye vawemene, “kaha shikaho nachiya nakupwa omwo Mwana muthu kusoloka.” Echi kacheshi cheka meya ko, oloze nachiya nakupwa cha kakahya lwola luno. Yesu kutanga kufuma mu Kuputuka 23 mangana etu tutange kufuma, omwo Ikiye atangile ha Satome.

¹⁹⁰ Jino, etu tunetavila seteko ize ahanjikile, ha seteko ya kaye ya Satome, Vakasotome, Satome na seteko yacho. Etu, vosena, navahanjika “amena” kuli chize. Etu twafwelela echi. Chosena chakwoloka.

¹⁹¹ Kaha seteko ya mushipilitu ya Lauchiseya, eli liuka lya chisemwa, etu natuya nakuhanjika “amena” kuli chize, na kwitavila vinjikizo vyavo. Etu tunatachikiza nge kala chinjikizo chili hano. Eli liuka lili mu Lauchiseya. Etu tunatachikiza echi. [Chikungulwilo ngwacho, “Amena.”—Muka.]

¹⁹² Etu tunatachikiza kaye kali museteko ya Satome. Echi chakwoloka? [Chikungulwilo ngwacho, “Amena.”—Muka.] Etu natuya nakwitavila chize.

¹⁹³ Oloze ngachilihi chinjikizo cha Apalahama, uze umwe kuvandamina mwana walushiko? Chize chapwile chikwavo.

¹⁹⁴ Anuka, vakiko vapwilenga na Satome kunyima kuze; vakiko vapwile na muluwa wavo. Kaha Apalahama apwilenga na Muluwa kuli ikiye.

¹⁹⁵ Apalahama apwile nakuvandamina, likumbi ha likumbi, mwomwo, kupwa chachikalu kusoloka. “Sala, na nayite, kaha ikiye handulendi.” Kutesekesa na lushiko lwa Kalunga, ikiye apwilenga nakuvandamina. Mukachi ka kutoleka chosena, ikiye apwile nakuvandamina hali uze mwana walunga.

¹⁹⁶ Shikaho mukiko chili na mukakufwelela wamuchano ali lika nakuvandamina uze Mwana walushiko kukinduluka! Talisenu, shimbu kanda mwana ezenga, kuze kwapwile chinjikizo chakuhana ikiye. Echi kumana keshi chinjikizo cha kwiza cha Mwanako kupwa navakasolola kupwa Mbuto ya wangana ya Apalahama ize valinakuvandamina Mwana wa Wangana, chochimwe nge omu chapwile kuli ise Apalahama ha mwana wa chisemwa? [Chikungulwilo ngwacho, “Amena.”—Muka.] Echi chakwoloka? [“Amena.”] Yesu ambile ngwenyi shikaho, hano muli Mukakujila Luka 17:30, “Shimbu kanda lwola luno ngwizenga,” nge “uze Mwana muthu mwaya nakulisolola nge Ikiye alingile mumakumbi a Satome, shimbu kanda kwenyeka cha Satome.” Jino etu tuli nakutala ha chinjikizo.

¹⁹⁷ Jino echa tumbate seteko ya lwola nge amuchapwilenga mu Satome. Talisenu, vakiko vayile mu Vakasatome, kaye.

¹⁹⁸ Ngwashinganyeka umwe tetekeli wa kavisela kuhaka chifwanyisa, keshi kunyima chikuma, kaha Ngwamwene, yapwilenga, *Satome*. Kachi enu mwamona lyehi echi kaha kuli chumachimwe nawa oloze chize, kutalaho. Echi chinapu vene chifwanyisa chamwaza cha va United States lelo, Hollywood, mukiko kaha; kuvwala ndeleji jimwe na vyuma vyosena nawa chize vakiko nge hazevene; chitatwa wamunene na vyumavyosena nawa, vathu vakakulifukula, valivuluka kupwa vakakulifukula.

¹⁹⁹ Talisenu, kaha Satome vapwilenga navinjiho, kaha apwilenga mukweze wa lijina lya Lote, uze apwilenga muhya kuli—kuli Apalahama.

²⁰⁰ Jino, Apalahama kahashile kuya mu Satome ko, ikiye na lizavu lyenyi. Ikiye apwilenga na lizavu lyalinene na ikiye, lyakutamo kuzunga hali vamyangana na maswalale javo. Shikaho, ikiye apwilenga na lizavu lyalinene na ikiye. Kaha ikiye atwamine mwishi muze mu mutondo wa muoak, likumbi limwe, omwo vyuma vyosena naviya nakuhenga hali ikiye; naumwe pimbi atela kulinga na ikiye, oloze ikiye apwilenga wakukwachila ha lushiko.

Tala jino, hakamwihi, shimbu kanda etu twizenga.

²⁰¹ Shimbu ikiye atwamine kuze, kwejile malunga vatatu, kutambuka kuli ikiye. Vavali vavo vayile mu Satome kaha anangwile Mujimbu wamwaza kuli vakiko, kwiza nakulovoka, mu Lote. Echi chakwoloka? [Chikungulwilo ngwacho, “Amena.”—Muka.] Oloze Umwe atwamine na Apalahama. Talisenu, Umwe atwamine na Apalahama apwilenga Kalunga Ivene. Vangelo Veka vavali mvapwilenga miluwa.

²⁰² Jino, muze mu Satome, vakiko kavalingile vikomwesako, shina kuvasa upuputa. Kaha kunangula Mujimbu wamwaza lwola lwosena weji kuvasa upuputa.

²⁰³ Jino tala ha kutwama lize likumbi. Kuli liuka lya chisemwa. Lwola lwosena muutatu, nge Ngwahanjikanga ufukuku unahichi, Kalunga vanamwimanyinako. Muze mwapwilenga mu Satome, Vakalote, kaha Vaka Apalahama. Echi chili muchihela chochimwe ufukuuno, kaye kutwama kaha nge ngachize.

²⁰⁴ Echa ngumihule chumachimwe. Tala hali echu kutwama jino. Apalahama amuvulukile kupwa Muthu uze ahanjikile kuli ikiye, "Elohim." Mu Hepelewu lizu lya *Elohim* kulumbununa "uze Umwe watwama na vyosena, uze Umwe uze ukwechi Umwe wahaya myka," Elohim, Kalunga Lyavene!

²⁰⁵ Kukuputuka, Kuputuka 1, ambile ngwenyi, "Mu kuputuka Kalunga . . ." Mbata lizu lya Hepelewu hano, chipwe, mokomoko lizu lya Ngiliki, chipwe, "Mu kuputuka *Elohim* atengele melu na mavu."

²⁰⁶ Hano, Ikiye, mu Kuputuka, hali 22 hano, Ikiye ngwenyi cheka, mokomoko—mokomoko ha 20, Ikiye ambile ngwenyi, kaha ikiye asanyikile eli lijina lya Muthu "Elohim." Mwomwoika ikiye alingile echu? Kalunga, kwimanyinako mujimba wanyama, uze atwamine na Apalahama na kulya nyama mwana ngombe, kunwa mavele amwe, kaha kulya mbolo. Kalunga Lyavene, kaha ajimbanganyine kumeso a Apalahama.

²⁰⁷ Oloze Ikiye amuhanyine ikiye chinjikizo. Talisenu. Kaha chize chinjikizo chapwilenga kah Ikiye apwilenga na nyima Yenyi kwalumukila mu mbalaka.

²⁰⁸ Kaha anuka, Apalahama, lijina lyenyi apwilenga *Apalama* makumbi amandende shimbu kanda chize, kaha Sala apwile *Salai* kumeso eyi; S-a-l-a-i jino S-a-l-a, na A-p-a-l-a-m-a nakupwa A-p-a-l-a-h-a-m-a. *Apalahama* kulumubuna "Tata ya mafuchi."

²⁰⁹ Jino tala kanawa hano, kaha etu natuya nakumona kutwama ha ola ize etu tuli nakuyoyela, nge Yesu atulwekele kutala hali echu kutwama. Etu twamono vyosena vyva kwoloka; jino echa tutale ku Mbuto ya wangana, chuma muka yinatwame vakiko vatelanga kumona.

²¹⁰ Jino ou Lunga ngwenyi, "Apalahama, pwevo lyove ali kulihii, Sala?"

Kaha Apalahama ngwenyi, "Ikiye ali mu mbalaka, kunyima Yove."

²¹¹ Jino, Ikiye apwilenga kanda amumone ikiye. Amutachikjile Ikiye kutachikiza nge lijina lyenyi lyapwilenga *Apalahama*? Atachikjile ngachilihi nge Ikiye apwilenga S-a-l-a? "Apalahama, pwevo lyove ali kulihii, Sala?"

Ambile ngwenyi, "Ikiye ali mumbalaka, kunyima Yove."

²¹² Ikiye ambile ngwenyi, "Ngwa . . ." "Ngwa," kuvuluka muthu. "Nguli nakuya nakukutambula kutesekesa na lushiko.

Pwevo lyove mwakaya nakupwa na komba. Ove wangufwelela Yami, jino Nguli nakuya nakuchilingisa chihita.”

²¹³ Kaha Sala, muze mumbalaka, kunyima, kutengeleka litwitwi, kala mwosena omwo mwechi kuchivulukanga, kwivwulila kuhichila mu mbalaka, ikiye asehele kukonya na chikovelio chenyi, kaha ikiye ngwenyi, “Jino, yami, uze pwevo wakashinakaji nge omu Nguli, kupwa na chiseke na mwata wami; kaha ikiye kashinakaji, nawa, kuweluka wa myaka ya handulendi yakusemuka? Shimbu, echi kachasoloka kuli vavavulu ko, myaka yayivulu.”

²¹⁴ Kaha Lunga, L-u-n-g-a, kutwama nakulya, mumujimba wanyama, kunwa na kulya nge muthu kaha; na lukungu ha uvwalo Wenyi, kaha apwile nalukungu na mahinji Eyi, kaha Apalahama alukosele. Kalunga, Lyavene, atalile nakujinguluka, kaha Ikiye ngwenyi, “Mwomwoika Sala nasehela, kunyima muze mumbalaka, kuhanjika echi?” Ikiye atachikijile, chinahase kutumbununa vishinganyeka vya Sala muze mumbalaka, kunyima ya Ikiye. Echi cha kwoloka? [Chikungulwilo ngwacho, “Amena.”—Muka.]

²¹⁵ Jino, omwo Mbuto ya Wangana ya Apalahama kwiza hano hamavu, chinjikizo muka Ikiye asolwele? Mwana muthu. Shimona ejile kuli Ikiye likumbi limwe; Kaha chamunehelo. Ikiye ambile ngwenyi, “Lijina lyove linapu Simon. Ove yove mwana Yona,” Ikiye ngwenyi. Talenu, uze atangile mukakufwelela muli ikiye.

²¹⁶ Fwilipu ayile na kumbata Nathanael, kukinduluka. Ambile ngwenyi, “Twaya, talenu Lunga Uze etu tuli nawo—etu tunawane: Yesu waku Nazaleta, mwana Yosefwa.”

²¹⁷ Ikiye ngwenyi, “Jino vandamina munyutu kaha. Kuliko chuma chimwe chamwaza nachiza nakulovoka mukusehewa?”

Ikiye ngwenyi, “Twaya, talenu.”

²¹⁸ Shikaho omwo Fwilipu ejile Kumeso a Yesu, na Nathanel, Yesu atalile hali ikiye kaha ngwenyi, “Tala ka Isalele muli ikiye kamweshi likuli.”

Ikiye ambile ngwenyi, “Mulongeshi, lwola muka Ove wangutachikijile?”

²¹⁹ Ngwenyi, “Shimbu kanda Fwilipu akusanyike ove, omwo wapwanga mwishi ya mutondo, Ngwakumwene ove.”

²²⁰ Ikiye ngwenyi, “Lapi, Ove yove Mwana Kalunga. Ove wapwa Mwangana wa va Isalele!”

²²¹ Omwo uze pwevo wamundende haze ha lishima, museteko yenyi yaujila, twaya, chindende wakuhokoka chuma chimwe nge echi, kuswita meya. Yesu atumine tumbaji Twenyi, vakalende vyakulya. Omwo ikiye ejile nakuswita meya, Ikiye ngwenyi, “Ngunehelo Yami meya ngunwenga, pwevo.”

²²² Ikiye ngwenyi, “Echi kacheshi chisemwa chetuko kuli Ove kuhanjika ngachize. Etu tukwechi chihandwa hano. Jino, enu va Yuleya kamweshi nachuma chimwe na etu vaka Samaliya ko; etu katweshi nachuma chimweko na enuko.”

²²³ Ikiye ngwenyi, “Oloze, pwevo, kachi ove unejiva Hiya ou uli nakuhanjika nenyi, ove kachi unangulombo Yami meya. Nanguya nakukuhana meya ove kaweshi kuhasa kwiza kunokako.”

²²⁴ Ikiye awanyine ukalu wenyi wapwile kulihi, chuma muka chapwile. Ikiye ngwenyi, “Yako kambate lunga lyove na kwiza hano.”

Ikiye ngwenyi, “Kangweshi na lunga ko.”

²²⁵ Ikiye ambile ngwenyi, “Ove unahanjika muchano. Ove wapwilenga na vatanu, kaha ou uli nakuyoya nenyi jino keshi woveko.”

²²⁶ Ikiye ngwenyi, “Mukulwane, Ngunamono ngana Ove wapwa uka polofweto. Etu tunatachikiza omwo Meshiya mwakeza Ikiye mwakaya nakutusolwela etu vyuma kana.”

Yesu ngwenyi, “Yami Vene.”

²²⁷ Hali chize, ikiye alahile nakwingila mumbongi kaha ngwenyi, “Twayenu, mumone ou Lunga Uze nangulweke vyuma Ngunalingi. Ou Keshi ou vene Meshiya?”

²²⁸ Tala, Ikiye kapwilenga nachizeko shimbu kanda Vayuleya, kaha va Samaliya, oloze keshi Vakamafuchi. Vaze Vakamafuchi, etu vathu, twapwilenga vakakuzeneka kutachikiza kalunga mumakumbi kana, mafuchi akwavo, kupwa nalizavu kunyima, kulifukula makombelo. Etu katwapwilenga nakutondo Meshiyako.

²²⁹ Ikiye asolokele kuli vaze vali nakutala hali Ikiye, kaha etu twatela kutala hali Ikiye.

²³⁰ Oloze vaze veji kulivulukanga kupwa nakutala hali Ikiye, lize liuka livene, omwo vakiko vamwene chize kulingika, vakiko ngwavo, “Ikiye napu liyavolo. Ikiye napu mukakutahisa, Mbelezembule!”

²³¹ Kaha Yesu ngwenyi, “Nge shili navakayikonekela,” mwomwo Ikiye kafwileko. “Oloze,” ngwenyi, “likumbi limwe Shipilitu Wajila mwakeza na kulinga chuma chochimwe, kaha kuhanjika lizu limwe hali Echi kaveshi kayikonekela ko.” Lize likiko likumbi, kuze Lizu lyatela kusukamako. “Hanjika lizu hali Echi; kaveshi kayikonekela ko muno mukaye mokomoko mukaye kali nakwiza.”

²³² Ize ikiko yapwile Mbuto ya Wangana ya Apalahama. Kaha hano Mbuto ya Wangana ya Apalahama, yejile mwomwo ya kaze katachikjilo ka uze Lunga atwaminenga hamwe na Apalahama, kwiza nakwinjikiza na Kalunga youmwe, lushiko muli lino

likumbi, “Nge muze chapwile mumakumbi a Satome, shikaho mukiko nachikapwa na kwiza cha Mwana muthu, omwo Ikiye alinakusolola Lyavene kupwa Mwana muthu.” Amena. Eli linapu likumbi lya ech Chisoneka kuzalishiwa.

²³³ Tala haze hakutwama etu tuli lelo. Tala haze haliuka kuze Mwana Kalunga . . . Tala ha likumbi kana. Tala ha upolofweto wosena. Jino, chuma chaungeji, hakutambukila chetu jino, kachi nge kusoloka chili nge Satome.

²³⁴ Kuze kwapwilenga vatatu javo kwiza, vatatu vakulimanyina vakutuma kufuma mwilu. Etu natuya nakwitavila ech. Vatatu vavo; Umwe atwamine na Apalahama. Vakiko vosena vaputukile kuze, oloze Umwe atwamine na Apalahama. Vosena vayile mu Satome. Echi chakwoloka? [Chikungulwilo ngwacho, “Amena.”—Muka.] Kaha Apalahama apwilenga na lijina lyalumuna, kufuma mu Apalama na kupwa Apalahama. Muchano? [“Amena.”]

²³⁵ Keshi lwola lumwe apwilenga na mujimbu, liuka lya kaye, kachi kapwilengaho mukakwambulula kuya mukakiko, na lijina lyakumishila na h-a-m-a, nakulikumbi lya lelo, Billy G-r-a-h-a-m. Echi chakwoloka? [Chikungulwilo ngwacho, “Amena.”—Muka.] G-r-a-h-a-m, jisona sikisi. A-p-a-l-a-h-a-m-a jisona seveni. Oloze G-r-a-h-a-m na jisona sikisi, kulumbununa kaye, muthu. Talenu?

²³⁶ Tala chuma muka chayile kuze, lelo, vanapu Miluwa kufuma Mwilu.

²³⁷ Kuliko muthu hana hamavu atela kulikonekela shikaho kunangula hatomato nge Billy Graham? Kunapunga muthu uze apwile na ngolo hali vathu, nge Billy Graham? Kanda lyehi, mukaye kosena, lunga. Mamalelo, Billy Sunday, na vyangocho, apwile hano mu United States, oloze Billy Graham atachikijiwile mukaye kosena. Talenu kuze ikiye ali nakusanyika? Kuweluka wa Satome.

²³⁸ Kaha ikiye akwechi lizavu lya vakakwambulula na liuka lya Chipindekosita, Oral Roberts.

²³⁹ Oloze ngachilihi lizavu lya va Kusakula? Chinjikizo muka vakiko vatelanga kumona? Vakiko vatelanga kupwa na? Haleluya! “Nakukapwa Kumunyika mulwola lwa chingoloshi.” Lelo ech Chisoneka chinazalishiwa. [Chikungulwilo kuwahlila—Muka.] Lelo lushiko lwa Kalunga lwazalishiwa. Etu tunatachikiza nge kupwa Muchano. Ikiye ali hano ufukuuno nge omu Ikiye apwilenga jino.

²⁴⁰ Jino, kunangula, nge Ngwambile ngwami shimbu kunyima okwo, kachi ove munangula kala chuma unapu Mujimbu wa Muchano, jino Kalunga napu wakukashiwa kwinjikiza ech. Echi chinapu muchano? [Chikungulwilo ngwacho, “Amena.”—Muka.] Jino, kachi chipwenga ngocho, echa Kalunga uze asonekele eli Lizu, echa Kalunga uze ahanjikile ou upolofweto,

echa Kalunga uze napu Kalunga ka eli Lizu, ezenga na kwinjikiza nge Ikiye hanga apwa Kalunga.

²⁴¹ Nge omu Elija ayile hapili; kutala, Elisha ayile nakutala Elija, ikiye ngwenyi, “Ngwatondo chihanda chahatoma.” Kaha chikuto chize chapwilenga hali Eliya chaholokelele hali Elisha. Ikiye atambukile nakuyako, kaha nakulifwika mapayi na kuveta hakalwiji, kaha ambile ngwenyi, “Nyi Kalunga ka Elija alikulihii?” Kaha chuma chochimwe chasolokele kuli Elija, chasolokele hali Elisha.

²⁴² Kaha Mujimbu woumwe, Ngolo jojimwe, Mwana muthu youmwe uze apwilenga zau, ikiye lelo, kaha mwakapwako haya myaka. Hepelewu 13:8. Enu mwafwelela Echi? [Chikungulwilo ngwacho, “Amena.”—Muka.] Kahajino, Ngwakuhulisa ove. Kangweshi kuhasa kupwa Ikiyeko, oloze Ikiye ali hano. [“Amena.”] Etu twapwa kaha mukakumbata.

²⁴³ Vathu vamwe muli enu okwo, vali nakuviza na kuyajiwissa, nge munatachikiza nge Kangwamitachikizako, echa Kalunga jino...kachi Ngunahase kulinyisa amilyavene chikuma. Enu lombenu nakuhula Kalunga.

²⁴⁴ Kangweshi nakujinuoka kako...Kakweshi kati yakulombelako muze muzuvo, kuliko yimwe? Nduma, Kangweshi...Etu katwakanyine kala kati yakulombelako. Etu tuli nakuya nakupwa nakuliwana cha kulombela ha... mokomoko kuka cha vakakuviza, kuze kuliuka. Oloze, enu lombenu.

²⁴⁵ Kaha munatachikiza nge Ngunapu ngeji vene kuli enu. Talenu, munatachikiza yami, Jeffersonville! Kangwazangile vathu kufuma ku Jeffersonville kulinga echiko. Ngwatondo vathu kufuma kuno kumwe. Talenu kachi Kalunga achili nakusoloka! Talenu kachi Ikiye hanga youmwe zau, lelo, na hayamyaka!

²⁴⁶ Kulinga nge uze pwevo wamundende alingile. Ikiye ahichilemo, kaha ikiye ngwenyi, “Ngwfawelela ou Lunga.” Ikiye apwile na vyuma vya manyinga, kaha ikiye ngwenyi, “Kachi Nanguhasa kukwata kuchizombo ya chikuto Chenyi, Ngwfawelela Nanguya nakupwa kanawa.” Echi chakwoloka?

²⁴⁷ Mwomwo ya lufwelelo lwenyi, lize likumbi, chize Chisoneka chinazalishiwa. “Ikiye kukasa muchima wa kuhokoka, kuhindula mukakuviza kaha chitonji.”

²⁴⁸ Omwo ikiye akwachile kuuvwalo Wenyi, kaha atambukile na kutwama kuze, Ikiye alumukile na kuhanjika ngwenyi, “Hiya nangukwate Yami?” Ikiye atachikiza Ngachilihi, mukachi kavalizavu lya vathu, pamo kapapa kuhambakana ava valiho ufukuuno, masauzande? Ikiye atachikijile Ngachilihi? Ikiye ambile ngwenyi, “Hiya Nangukwate?” Ikiye kahashile kuhanjika kaha nge kupwa kuhanjika; Ikiye ahanjikile chize mwomwo chapwilenga muchano. Kaha Ikiye ambile

ngwenyi, "Hiya Nangukwate?" Kaha hazevene Ikiye atalile nakujinguluka na kumona uze pwevo wamundende, kuze natwame mokomoko kwimana, kala chihela ikiye apwilengamo, amulwekele ikiye ukalu wenyi wamanyinga unakumu.

²⁴⁹ Uze apwilenga Yesu zau. Ikiye Ali nalelo. Enu mwafwelela echi? [Chikungulwilo ngwacho, "Amena."—Muka.]

²⁵⁰ Kangwakutachikizako; Kalunga kutachikiza. Oloze ove ukwechi misongo kusali yove, uze uli nakukuyanjisa. Echi chakwoloka. Ove watwamanga kuze na kulomba hali echi. Yami Ngungeji kuli ove, kaha etu tuvangeji na umwe na mukwavo? Imana, kachi chili ngocho. Kangwakutachikizako. Napu ou lunga hano vene halifumbila jila, uze mukweze walunga. Ove ukwechi nakukola chikuma hamuliu. Echi chakwoloka. Ove unapunga nakulomba hali echi. Ove unapu wakulizakamina ha chuma chimwe. Ove watela kuya nakuzeza kuliwana mwomwo, ove unapu mukakuzata, ove ukwechi kulishika chimwe ove watela kuzakamina. Echi chakwoloka. Hu-huu. Ove wafwelela nge Kalunga atachikiza ove yove hiya? Wamulemu Mukulwane Smith, jino ove unahase kuya nakupwa wakuhinduka. Yesu Kulishitu nakulingisa kupwa wakuyoya. Yako kukuliwana chove; hamuliu wove kaweshi kukukatalisa oveko.

Hiya amukwachile?

²⁵¹ Kuli lunga natwame kunyima *kuze*; ikiye ali nakuyanda. Ikiye akwechi ufwa ha lisuli lyenyi lya chimoswe. Ikiye keshi... Ikiye keshi wakufuma kunoko. Ove unapunga mukakuzata mumukoti. Echi chakwoloka. Ngunapu ngeji kuli enu. Kachi echi chakwoloka, nyikisa livoko lyove. Uze ufwa uli kuchimoswe cha lisuli, kaha ove uli nakuya nakukupula. Chize kwoloka? Ove kawafuma munoko. Ove unapu wakufuma kumbaka. Ove wafuma virginia. Echi chakwoloka. Ove Fwelela Kalunga atachikiza ove uhiya? Mukulwane Mitchell, echi chakwoloka, yako kwimbo na kupwa kanawa. Yesu Kulishitu mwaya nakukulingisa kupwa kanawa. Hula uze lunga! Kanda lyehi ngumumone ikiye, muchiyoyelo chami. Ikiye atwamine kuze, nakulomba.

Eli likumbi eli Chisoneka!

²⁵² [Ndumbu walunga Branham mwalumuka hanyima ku chikungulwilo—Muka.] Hano hakiko hali pwevo wakalemesa natwame kunyima kuno, kunyima yami, nge Sala apwile muze mumbalaka. Ikiye ali nakulombela mwanenyi. Imana. Uze mwana wapwevo keshi hano; ikiye ali kwakusuka, uze mwana wapwevo. Kaha ove uli chochimwe nge omwo pwevo ejile kuli Yesu, uze apwile na pwevo wamupi vanamuyanjisa chikuma kuli liyavolo. Uze pwevo ali... kanyike wapwevo wakuhituwa ku vandemoni. Ikiye keshi hano. Ikiye nafumu... Ove wafuma ku North Carolina. Ove wafwelela chize? Kaha ou unapu muchano, keshi ngochoko? Pwevo lya Orders, ove yako kwimbo.

Kachi ove muya nakufwelela na muchima wove wosena, ove muya nakuwana mwa nove wapwevo omwo Yesu Kulishitu mu mumakumbi anahichi, ambile ngwenyi mwahinduka.

²⁵³ Lelo echi chisoneka; chinjikizo cha Satome, chinjikizo cha Mbuto Yayanene, chinjikizo cha liuka lya chisemwa! Lelo echi Chisoneka chinazalishiwa mukachi kove. Enu mwafwelela echi? [Chikungulwilo ngwacho, “Amena.”—Muka.]

²⁵⁴ Nauya nakumwitavila Ikiye hano vene nge Mulwilo kaha nawa mukukuka chove? Imana hamahnji ove, enu vosena, hanjika, “Ngunetavila kuka chami. Ngunetavila Ikiye kupwa Mulwilo. Ngunateavila Ikiye kupwa Mwangana wami.” Wosena imana hamahnji ove.

Eli likumbi! Iwwililenu, masepa.

²⁵⁵ “Ikiye atangile Chisoneka, ahanyine Mbimbiliya kuyikindulwisa kuli kapilishitu, kaha,” ambile ngwenyi, “meso osena avathu vawajikile hali Ikiye. Kaha Ikiye atalile hali vakiko, kaha ambile ngwenyi, ‘Lelo echi Chisoneka chinazalishiwa.’”

²⁵⁶ Ngunatange Chisoneka, na mukuta mokomoko vinjikizo evi etu tuli nakuyoyelamo mulikumbi lya makumishilo, chisemunuino chize nachiya nakumona Yesu Kulishitu kukinduluka hamavu. Kaha Nanguhanjika kuli enu ufukuuno, cheka, lelo echi Chisoneka chinazalishiwa kumeso enu.

²⁵⁷ Enu muli ku Tucson, enu muli ku California, enu muli mu New York, muli hajishinga, Lelo echi Chisoneka chinazalishiwa kumeso enu.

²⁵⁸ Echa tupwenu vakuwahlilila kaha bakutumbujoka, mwomwo Kumbachisa mwana Mukoko chinahete lyehi, kaha Mwenga Wenyi... Mwenga Wenyi Nali wahisa lyehi.

²⁵⁹ Echa etu twimike mavoko etu na kumuhana Ikiye upahu, enu vathu vosena. Kalunga amikisule. [Chikungulwilo nakutwalilaho kuwahlilila na kwalisa Kalunga—Muka.] 

LELO ECHI CHISONEKA CHINAZALISHIWA LVE65-0219
(This Day This Scripture Is Fulfilled)

Ou Mujimbu kufuma kuli Ndumbu wa lunga William Marrion Branham, vawambulwile hakuputuka mu Ingilishi ha Chitanu chingoloshi, Kutatu 19, 1965, ku Parkview Junior High School mu Jeffersonville, Indiana, U.S.A., vanaufumisa mu muzu vakopele ha tepu na kausoneka mu Ingilishi chakuzeneka kuwalumuna. Echi kwalumuna Lilimi vachinungulwile vausonekele na kuupangila kuli vaka Kukopa cha Lizu Lya Kalunga.

LUVALE

©2022 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Tachikizenu lisesa lyakufwatula

Kulama lisesa lya kufwatula. Ou mukanda vanahase kuufwatula kumakina akuvulisa a hembo kupwa wakuzachisa kuli muthu hakapanji kenyi mokomoko kuhana kweka, wa wana wakanyombo, kupwa chitwa chakutanjisa Mujimbu wamwaza wa Yesu Kulishitu. Ou mukanda kavatela kuulanjisako, chipwe kuyitunga yayivulu chikuma, chipwe kuyihaka ha peho ha website, kuyitulika muze vanahase kuyifumisa, kulumbununa mu malimi eka, mokomoko kuuzachisa kupwa jila yakutambwilamo mali chakuzeneka lisesa lya kusoneka kufuma kuli vaka Voice Of God Recordings®.

Mwatondo kutachikiza vyavivulu mokomoko vyuma vikwavo, kaha sonekelenu ku:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org